



সংকল্প ও স্বদেশ

রবীন্দ্রনাথ ঠাকুর



বিশ্বভারতী গ্রন্থবিভাগ  
কলিকাতা

প্রথম প্রকাশ : কাব্যগ্রন্থ : ১৩১০  
দ্বিতীয় সংস্করণ : ‘অদেশ’ নামে : ১৩১২  
তৃতীয় সংস্করণ : ১৩৩৫  
পুনর্মুদ্রণ : ১৩৪৫  
চতুর্থ সংস্করণ : মাঘ ১৩৪৯

প্রকাশক রণজিৎ রায়  
বিশ্বভারতী । ৫ দ্বারকানাথ ঠাকুর লেন । কলিকাতা ৭

মুদ্রক শ্রীমূৰ্খনারায়ণ ভট্টাচার্য  
তাপসী প্রেস । ৩০ বিধান সরণী । কলিকাতা ৬

# সূচীপত্র

## সংকলন

সেদিন কি তুমি এসেছিলে ওগো	৯
ভৈরবী গান	১১
এবার ফিরাও মোরে	১৬
বিদায়	২২
অশেষ	২৪
সকলে আমার কাছে যত কিছু চায়	২৯
আঘাতসংঘাত-মাঝে দাঁড়াইছ আমি	৩০
হে রাজেন্দ্র, তোমা-কাছে	৩১
তুমি সর্বাশ্রয়, এ কি শুধু শূন্য কথা	৩২
আমারে সৃজন করি যে মহাসম্মান	৩৩
তুমি মোরে অপিয়াছ যত অধিকার	৩৪
দ্রাসে লাজে নতশিরে নিত্য নিরবধি	৩৫
তোমার স্তায়ের দণ্ড প্রত্যেকের করে	৩৬
আমি ভালোবাসি, দেব, এই বাঙালার	৩৭
এ নদীর কলধ্বনি যেথায় বাজে না	৩৮
আমার সকল অঙ্গে তোমার পরশ	৩৯
অচিন্ত্য এ ব্রহ্মাণ্ডের লোকলোকান্তরে	৪০
না গণি মনের ক্ষতি ধনের ক্ষতিতে	৪১
তঁারি হস্ত হতে নিয়ো তব দুঃখভার	৪২
মুক্ত করো, মুক্ত করো নিন্দাপ্রশংসার	৪৩
বাসনারে খর্ব করি দাঁও হে প্রাণেশ	৪৪

শক্তি মোর অতি অল্প, হে দীনবৎসল	৪৫
মাঝে মাঝে কতু হবে অবসাদ আসি	৪৬
তব কাছে এই মোর শেষ নিবেদন	৪৭

## স্বদেশ

হে বিশ্বদেব, মোর কাছে তুমি	৪৯
আশা	৫১
বঙ্গলক্ষ্মী	৫২
শরৎ	৫৪
মাতার আহ্বান	৫৭
ভিক্ষায়াং নৈব নৈব চ	৫৯
স্নেহগ্রাস	৬০
বঙ্গমাতা	৬১
দুই উপমা	৬২
অভিমান	৬৩
পরবেশ	৬৪
দুরন্ত আশা	৬৫
নববর্ষের গান	৬৮
সে যে আমার জননী রে	৭০
জগদীশচন্দ্র বসু	৭১
ভারতলক্ষ্মী	৭২
জগদীশচন্দ্র বসু	৭৩
তপোবন	৭৫

প্রাচীন ভারত	৭৬
এ দুর্ভাগ্য দেশ হতে হে মঙ্গলময়	৭৭
অন্ধকার গর্তে থাকে অন্ধ সরীসৃপ	৭৮
তোমাতে শতধা করি ক্ষুদ্র করি দিয়া	৭৯
হৃগম পথের প্রান্তে পান্থশালা-পরে	৮০
হে সকল ঈশ্বরের পরম-ঈশ্বর	৮১
তঁাহারা দেখিয়াছেন— বিশ্বচরাচর	৮২
আমরা কোথায় আছি, কোথায় স্বদূরে	৮৩
একদা এ ভারতের কোন্ বনতলে	৮৪
এ মৃত্যু ছেদিতে হবে, এই ভয়জাল	৮৫
তব চরণের আশা, ওগো মহারাজ	৮৬
পতিত ভারতে তুমি কোন্ জাগরণে	৮৭
শতাজীর স্মৃতি আজি রক্তমেঘ-মাঝে	৮৮
স্বার্থের সমাপ্তি অপঘাতে । অকস্মাৎ	৮৯
এই পশ্চিমের কোণে রক্তরাগরেখা	৯০
সে পরম পরিপূর্ণ প্রভাতের লাগি	৯১
সে উদার প্রত্যুষের প্রথম অরুণ	৯২
ওরে মৌনমুক, কেন আছিস নীরবে	৯৩
চিত্ত যেথা ভয়শূন্য, উচ্চ যেথা শিখা	৯৪
শক্তিদম্ব স্বার্থলোভ মারীর মতন	৯৫
কোরো না, কোরো না লজ্জা	৯৬
হে ভারত, নৃপতিরে শিখায়েছ তুমি	৯৭
হে ভারত, তব শিক্ষা দিয়েছে যে ধন	৯৮
স্বস্তরের সে সম্পদ ফেলেছি হারায়ে	৯৯

হিমালয়	১০০
কাষ্টি	১০১
শিলালিপি	১০২
হরগৌরী	১০৩
তপোমূর্তি	১০৪
সঙ্কিতবাণী	১০৫
ষাট্রাসংগীত	১০৬
প্রার্থনা	১০৭
আমরা মিলেছি আজ মায়ের ডাকে	১১১
একবার তোরা 'মা' বলিয়া ডাক	১১২
জননীর দ্বারে আজি ওই	১১৩
নববর্ষের দীক্ষা	১১৪

সংকল্প ও স্বদেশ





সেদিন কি তুমি এসেছিলে ওগো, সে কি তুমি, মোর সভাতে ।  
 হাতে ছিল তব বাঁশি,  
 অধরে অবাক হাসি,  
 সেদিন ফাগুন মেতে উঠেছিল মদিরবিকল শোভাতে ।  
 সে কি তুমি ওগো, তুমি এসেছিলে সেদিন নবীন প্রভাতে  
 নবযৌবনসভাতে ।

সেদিন আমার যত কাজ ছিল সব কাজ তুমি ভুলালে  
 খেলিলে সে কোন্ খেলা  
 কোথা কেটে গেল বেলা  
 ঢেউ দিয়ে দিয়ে হৃদয়ে আমার রক্তকমল ছুলালে ।  
 পুলকিত মোর পরানে তোমার বিলোল নয়ন ঝুলালে,  
 সব কাজ মোর ভুলালে ।

তার পরে হায় জানি নে কখন ঘুম এল মোর নয়নে ।  
 উঠিছু যখন জেগে,  
 ঢেকেছে গগন মেঘে—  
 তরুতলে আছি একেলা পড়িয়া দলিতপত্রশয়নে ।  
 ভোমাতে আমাতে রত ছিছু যবে কাননে কুমুমচয়নে  
 ঘুম এল মোর নয়নে ।

সেদিনের সভা ভেঙে গেছে সব আজি ঝরঝর বাদরে ।  
 পথে লোক নাহি আর,  
 রুদ্ধ করেছি দ্বার,  
 একা আছে প্রাণ ভূতলশয়ান আজিকার ভরা ভাদরে ।  
 তুমি কি ছুয়ারে আঘাত করিলে— তোমারে লব কি আদরে  
 আজি ঝরঝর বাদরে ।

তুমি যে এসেছ ভস্মমলিন তাপসমুরতি ধরিয়া ।  
 স্তিমিত নয়নতারা  
 ঝলিছে অনল-পারা,  
 সিক্ত তোমার জটাজুট হতে সলিল পড়িছে ঝরিয়া ।  
 বাহির হইতে ঝড়ের আধার আনিয়াছ সাথে করিয়া  
 তাপসমুরতি ধরিয়া ।

নমি হে ভীষণ, মৌন, রিক্ত, এসো মোর ভাঙা আলয়ে ।  
 ললাটে তিলকরেখা  
 যেন সে বহ্নিলেখা,  
 হস্তে তোমার লৌহদণ্ড বাজিছে লৌহবলয়ে ।  
 শূন্য ফিরিয়া যেয়ো না, অতিথি, সব ধন মোর না লয়ে ।  
 এসো এসো ভাঙা আলয়ে ।

## ভৈরবী গান

ওগো      কে তুমি বসিয়া উদাসমুরতি  
              বিষাদশান্ত শোভাতে ।

ওই        ভৈরবী আর গেলো নাকো এই  
              প্রভাতে ।

মোর      গৃহছাড়া এই পথিকপরান  
              তরুণহৃদয় লোভাতে ।

ওই      মন-উদাসীন, ওই আশাহীন  
              ওই ভাষাহীন কাকলি  
দেয়      ব্যাকুল পরশে সকল জীবন  
              বিকলি ।

দেয়      চরণে বাঁধিয়া প্রেমবাহু-ঘেরা  
              অশ্রুকোমল শিকলি ।

হায়      মিছে মনে হয় জীবনের ত্রুত,  
              মিছে মনে হয় সকাল ।

যারে      ফেলিয়া এসেছি, মনে করি, তা  
              ফিরে দেখে আসি শেষবার—

ওই      কাঁদিছে সে যেন এলায়ে আকুল  
              কেশভার ।

যারা গৃহছায়ে বসি সজলনয়ন  
মুখ মনে পড়ে সে-সবার ।

সেই সারা দিনমান স্নানিত ছায়া,  
তরুর্মর পবনে,

সেই মুকুল-আকুল বকুলকুঞ্জ-  
ভবনে

সেই কুহকুরিত বিরহরোদন  
থেকে থেকে পশে শ্রবণে ।

সেই চিরকলতান উদার গঙ্গা  
বহিছে আধারে আলোকে,

সেই তীরে চিরদিন খেলিছে বালিকা-  
বালকে ।

ধীরে সারা দেহ যেন মুদিয়া আসিছে  
স্বপ্নপাখির পালকে ।

সদা করুণ কণ্ঠে কাঁদিয়া গাহিব—

“হল না, কিছুই হবে না,

এই মায়াময় ভবে চিরদিন কিছু  
রবে না ।

কেহ জীবনের যত গুরুভার ব্রত  
ধূলি হতে তুলি লবে না ।

এই সংশয়-মাঝে কোন্ পথে যাই,  
কার তরে মরি খাটিয়া,  
আমি কার মিছে ছুখে মরিতেছি বুক  
ফাটিয়া ।

ভবে সত্য মিথ্যা কে করেছে ভাগ,  
কে রেখেছে মত ঝাঁটিয়া ।

যদি কাজ নিতে হয় কত কাজ আছে  
একা কি পারিব করিতে ।

কাদে শিশিরবিন্দু জগতের তৃষা  
হরিতে ।

কেন অকুল সাগরে জীবন ঝুপিব  
একেলা জীর্ণ তরীতে ।

শেষে দেখিব, পড়িল সুখযৌবন  
ফুলের মতন খসিয়া —

হায় বসন্তবায়ু মিছে চলে গেল  
খসিয়া ।

সেই যেখানে জগৎ ছিল এক কালে  
সেইখানে আছে বসিয়া ।”

শুগো, থামো, যারে তুমি বিদায় দিয়েছ  
তারে আর ফিরে চেয়ো না ।

ওই অশ্রুসজ্জল ভৈরবী আর  
গেয়ো না ।

আজি প্রথম প্রভাতে চলিবার পথ  
নয়নবাষ্পে ছেয়ো না ।

ওই কুহকরাগিনী এখনি কেন গো  
পথিকের প্রাণ বিবশে ।

পথে এখনো উঠিবে প্রখর তপন  
দিবসে ।

পথে রাক্ষসী সেই তিমিররজনী  
না জানি কোথায় নিবসে ।

থামো, শুধু একবার ডাকি নাম তাঁর  
নবীন জীবন ভরিয়া,

যাব যার বল পেয়ে সংসারপথ  
ভরিয়া,

যত      মানবের গুরু মহৎ-জনের  
         চরণচিহ্ন ধরিয়া ।  
সদা      সহিয়া চলিব প্রথর দহন,  
         নিষ্ঠুর আঘাত চরণে ।  
যাব      আজীবন কাল পাষণকঠিন  
         সরণে ।  
যদি      মৃত্যুর মাঝে নিয়ে যায় পথ  
         সুখ আছে সেই মরণে ।



## এবার ফিরাও মোরে

সংসারে সবাই যবে সারাক্ষণ শত কর্মে রত,  
 তুই শুধু ছিন্নবাধা পলাতক বালকের মতো  
 মধ্যাহ্নে মাঠের মাঝে একাকী বিষণ্ণ তরুচ্ছায়ে  
 দূরবনগন্ধবহ মন্দগতি ক্লান্ত তপ্তবায়ে  
 সারাদিন বাজাইলি বাঁশি ।— ওরে, তুই ওঠ্ আজি ।  
 আগুন লেগেছে কোথা । কার শব্দ উঠিয়াছে বাজি  
 জাগাতে জগৎ-জনে । কোথা হতে ধ্বনিছে ক্রন্দনে  
 শূন্যতল । কোন্ অন্ধকারা-মাঝে জর্জর বন্ধনে  
 অনাথিনী ঝুগিছে সহায় । ক্ষীতকায় অপমান  
 অক্ষমের বক্ষ হতে রক্ত শুষি করিতেছে পান  
 লক্ষ মুখ দিয়া । বেদনারে করিতেছে পরিহাস  
 স্বার্থোদ্ধত অবিচার । সংকুচিত ভীত ক্রীতদাস  
 লুকাইছে ছদ্মবেশে । 'ওই-যে দাঁড়ায়ে নতশির  
 মুক্ সবে — ম্লানমুখে লেখা শুধু শত শতাব্দীর  
 বেদনার করুণ কাহিনী ; স্বপ্নে যত চাপে ভার  
 বহি চলে মন্দগতি যতক্ষণ থাকে প্রাণ তার,  
 তার পরে সম্তানেরে দিয়ে যায় বংশ বংশ ধরি ;  
 নাহি ভৎসে অদৃষ্টেরে, নাহি নিন্দে দেবতারে স্মরি,  
 মানবেরে নাহি দেয় দোষ, নাহি জানে অভিমান,  
 শুধু দুটি অন্ন খুঁটি কোনোমতে কষ্টক্লিষ্ট প্রাণ

রেখে দেয় বাঁচাইয়া । সে অন্ন যখন কেহ কাড়ে,  
 সে প্রাণে আঘাত দেয় গর্বাঙ্ক নিষ্ঠুর অত্যাচারে,  
 নাহি জানে কার দ্বারে দাঁড়াইবে বিচারের আশে ;  
 দরিদ্রের ভগবানে বারেক ডাকিয়া দীর্ঘশ্বাসে  
 মরে সে নীরবে । এইসব মূঢ় ম্লান মুক মুখে  
 দিতে হবে ভাষা ; এইসব শ্রান্ত শুষ্ক ভগ্ন বুক  
 ধনিয়া তুলিতে হবে আশা ; ডাকিয়া বলিতে হবে—  
 “মুহূর্ত তুলিয়া শির একত্র দাঁড়াও দেখি সবে ।  
 (যার ভয়ে তুমি ভীত সে অশ্রায় ভীকু তোমা-চেয়ে,  
 যখনি জাগিবে তুমি তখনি সে পলাইবে ধেয়ে )  
 যখনি দাঁড়াবে তুমি সম্মুখে তাহার, তখনি সে  
 পথকুকুরের মতো সংকোচে সত্রাসে যাবে মিশে ।  
 দেবতা বিমুখ তারে, কেহ নাহি সহায় তাহার ;  
 মুখে করে আফালন, জানে সে হীনতা আপনার  
 মনে মনে

কবি, তবে উঠে এসো— যদি থাকে প্রাণ  
 তবে তাই লহো সাথে, তবে তাই করো আজি দান ।  
 বড়ো দুঃখ, বড়ো ব্যথা— সম্মুখেতে কষ্টের সংসার  
 বড়োই দরিদ্র, শূন্য, বড়ো ক্ষুদ্র, বদ্ধ, অন্ধকার ।  
 অন্ন চাই, প্রাণ চাই, আলো চাই, চাই মুক্ত বায়ু,  
 চাই বল, চাই স্বাস্থ্য, আনন্দ-উজ্জল পরমায়ু,

সাহসবিস্তৃত বক্ষপট । এ দৈন্ত-মাঝারে, কবি,  
একবার নিয়ে এসো স্বর্গ হতে বিশ্বাসের ছবি ।

এবার ফিরাও মোরে, লয়ে যাও সংসারের তীরে  
হে কল্পনে, রঙ্গময়ী ! ছুলায়ো না সমীরে সমীরে  
তরঙ্গে তরঙ্গে আর, ভুলায়ো না মোহিনী মায়ায় ।  
বিজ্ঞন বিষাদঘন অন্তরের নিকুঞ্জচ্ছায়ায়  
রেখো না বসিয়ে আর । দিন যায়, সন্ধ্যা হয়ে আসে ।  
অন্ধকারে ঢাকে দিশি, নিরাশ্বাস উদাস বাতাসে  
নিশ্বসিয়া কেঁদে ওঠে বন । বাহিরিছু হেথা হতে  
উন্মুক্ত-অশ্রু-তলে, ধূসরপ্রসর রাজপথে,  
জনতার মাঝখানে ।— কোথা যাও, পান্থ, কোথা যাও ।  
আমি নহি পরিচিত, মোর পানে ফিরিয়া তাকাও ।  
বলো মোরে নাম তব, আমারে কোরো না অবিশ্বাস ।  
সৃষ্টিছাড়া সৃষ্টিমাঝে বহুকাল করিয়াছি বাস  
সঙ্গীহীন রাত্রিদিন ; তাই মোর অপক্লপ বেশ,  
আচার নূতনতর ; তাই মোর চক্ষে স্বপ্নাবেশ,  
বক্ষে জ্বলে ক্ষুধানল ।— যেদিন জগতে চলে আসি  
কোন্ মা আমারে দিলি শুধু এই খেলাবার বাঁশি !  
বাজাতে বাজাতে তাই মুগ্ধ হয়ে আপনার সুরে  
দীর্ঘদিন দীর্ঘরাত্রি চলে গেছে একান্ত সুদূরে  
ছাড়ায়ে সংসারসীমা । সে বাঁশিতে শিখেছি যে সুর

তাহারি উল্লাসে যদি গীতশূন্য অবসাদপুর •  
 ধ্বনিয়া তুলিতে পারি, মৃত্যুঞ্জয়ী আশার সংগীতে  
 কর্মহীন জীবনের এক প্রান্ত পারি তরঙ্গিতে  
 শুধু মুহূর্তের তরে, ছঃখ যদি পায় তার ভাষা,  
 স্রুতি হতে জেগে ওঠে অন্তরের গভীর পিপাসা  
 স্বর্গের অমৃত লাগি— তবে ধন্য হবে মোর গান,  
 শত শত অসন্তোষ মহাগীতে লভিবে নির্বাণ ।

কী গাহিবে, কী শুনাবে । (বলো, মিথ্যা আপনার স্পন্দ  
 মিথ্যা আপনার ছঃখ । স্বার্থমগ্ন যে জন বিমুখ  
 বৃহৎ জগৎ হতে, সে কখনো শেখে নি বাঁচিতে  
 মহাবিশ্বজীবনের তরঙ্গেতে নাচিতে নাচিতে  
 নির্ভয়ে ছুটিতে হবে সত্যেরে করিয়া ঋণতারা ।  
 মৃত্যুরে করি না শঙ্কা । হৃদিনের অশ্রুজলধারা  
 মস্তকে পড়িবে ঝরি, তারি মাঝে যাব অভিসারে,  
 তার কাছে— জীবনসর্বস্বধন অঁপিয়াছি যারে  
 জন্ম জন্ম ধরি । কে সে । জানি না কে । চিনি নাই তারে—  
 শুধু এইটুকু জানি, তারি লাগি রাত্রি-অন্ধকারে  
 চলেছে মানবযাত্রী যুগ হতে যুগান্তর-পানে  
 ঝড়ঝঞ্ঝা-বজ্রপাতে আলায়ে ধরিয়া সাবধানে  
 অন্তরপ্রদীপখানি । শুধু জানি, যে শুনেছে কানে  
 তাহার আত্মানগীত ছুটেছে সে নির্ভীকপরানে

সংকট-আবর্ত-মাঝে, দিয়েছে সে বিশ্ব বিসর্জন,  
 নির্যাতন লয়েছে সে বন্ধ পাতি, মৃত্যুর গর্জন  
 শুনেছে সে সংগীতের মতো । দহিয়াছে অগ্নি তারে,  
 বিদ্ধ করিয়াছে শূল, ছিন্ন তারে করেছে কুঠারে ;  
 সর্বপ্রিয়বস্তু তার অকাতরে করিয়া ইক্ষন  
 চিরজন্ম তারি লাগি জ্বলেছে সে হোমহুতাশন ।  
 হৃৎপিণ্ড করিয়া ছিন্ন রক্তপদ্ম-অর্ঘ্য-উপহারে  
 ভক্তিভরে জন্মশোধ শেষ পূজা পূজিয়াছে তারে  
 মরণে কৃতার্থ করি প্রাণ । শুনিয়াছি, তারি লাগি  
 রাজপুত্র পরিয়াছে ছিন্ন কস্থা, বিষয়ে বিরাগী  
 পথের ভিক্ষুক ; মহাপ্রাণ সহিয়াছে পলে পলে  
 সংসারের ক্ষুদ্র উৎপীড়ন— বিধিয়াছে পদতলে  
 প্রত্যাহের কুশাকুর, করিয়াছে তারে অবিশ্বাস  
 মৃত বিজ্ঞজনে, প্রিয়জন করিয়াছে পরিহাস  
 অতিপরিচিত অবজ্ঞায় ; গেছে সে করিয়া ক্ষমা  
 নীরবে করুণনেত্রে, অন্তরে বহিয়া নিরুপমা  
 সৌন্দর্যপ্রতিমা । তারি পদে মানী সঁপিয়াছে মান,  
 ধনী সঁপিয়াছে ধন, বীর সঁপিয়াছে আত্মপ্রাণ ;  
 তাহারি উদ্দেশে কবি বিরচিয়া লক্ষ লক্ষ গান  
 ছড়াইছে দেশে দেশে । শুধু জানি, তাহারি মহান্  
 গন্তীর মঙ্গলধ্বনি শুনা যায় সমুদ্রে সমীরে ।  
 তাহারি অঞ্চলপ্রান্ত লুটাইছে নীলান্বর ঘিরে ;

তারি বিশ্ববিজয়িনী পরিপূর্ণা প্রেমমূর্তিখানি  
 বিকাশে পরমক্ষণে প্রিয়জনমুখে । শুধু জানি,  
 সে বিশ্বপ্রিয়ার প্রেমে ক্ষুদ্রতারে দিয়া বলিদান  
 বর্জিতে হইবে দূরে জীবনের সর্ব অসম্মান ;  
 সম্মুখে দাঁড়াতে হবে উন্নতমস্তক উচ্চে তুলি  
 যে মস্তকে ভয় লেখে নাই লেখা, দাসত্বের ধূলি  
 ঝাঁকে নাই কলঙ্কতিলক । তাহারে অন্তরে রাখি  
 জীবনকণ্টকপথে যেতে হবে নীরবে একাকী  
 সুখে দুঃখে ধৈর্য ধরি, বিরলে মুছিয়া অশ্রু ঝাঁখি,  
 প্রতি দিবসের কর্মে প্রতিদিন নিরলস থাকি  
 স্মৃতি করি সর্বজনে । তার পরে দীর্ঘ পন্থশেষে  
 জীবযাত্রা-অবসানে ক্লান্তপদে রক্তসিক্তবেশে  
 উত্তরিব একদিন শ্রান্তিহরা শান্তির উদ্দেশে  
 দুঃখহীন নিকেতনে । প্রসন্নবদনে মন্দ হেসে  
 পরাবে মহিমালক্ষ্মী ভক্তকণ্ঠে বরমাল্যখানি,  
 করপদ্মপরশনে শান্ত হবে সর্ব দুঃখ গ্লানি  
 সর্ব অমঙ্গল । লুটাইয়া রক্তিম চরণতলে  
 ধৌত করি দিব পদ আজন্মের রুদ্ধ অশ্রুজলে ।  
 স্মৃতিরসঞ্চিত আশা সম্মুখে করিয়া উদ্ঘাটন  
 জীবনের অক্ষমতা কাঁদিয়া করিব নিবেদন,  
 মাগিব অনন্তক্ষমা । হয়তো ঘুচিবে দুঃখনিশা,  
 তৃপ্ত হবে এক প্রেমে জীবনের সর্বপ্রেমতৃষা ।

## বিদায়

এবার চলিছে তবে ।  
 সময় হয়েছে নিকট, এখন  
 বাঁধন ছিঁড়িতে হবে ।  
 উচ্ছল জল করে ছলছল,  
 জাগিয়া উঠেছে কলকোলাহল,  
 তরঙ্গীপতাকা চলচঞ্চল  
 কাঁপিছে অধীর রবে ।  
 সময় হয়েছে নিকট, এখন  
 বাঁধন ছিঁড়িতে হবে ।

আমি নিষ্ঠুর, কঠিন কঠোর,  
 নির্মম আমি আজি ।  
 আর নাই দেরি, ভৈরবভেরী  
 বাহিরে উঠেছে বাজি ।  
 তুমি ঘুমাইছ নিমীলনয়নে,  
 কাঁপিয়া উঠিছ বিরহস্বপনে,  
 প্রভাতে জাগিয়া শূন্য শয়নে  
 কাঁদিয়া চাহিয়া রবে ।  
 সময় হয়েছে নিকট, এখন  
 বাঁধন ছিঁড়িতে হবে ।

অরুণ তোমার তরুণ অধর,  
 করুণ তোমার আঁখি,  
 অমিয়রচন সোহাগবচন  
 অনেক রয়েছে বাকি ।  
 পাখি উড়ে যাবে সাগরের পার,  
 সুখময় নীড় পড়ে রবে তার,  
 মহাকাশ হতে ওই বারে বার  
 আমারে ডাকিছে সবে ।  
 সময় হয়েছে নিকট, এখন  
 বাঁধন ছিঁড়িতে হবে ।

(বিশ্বজগৎ আমারে মাগিলে  
 কে মোর আত্মপর ।  
 আমার বিধাতা আমাতে জাগিলে  
 কোথায় আমার ঘর ।)  
 কিসেরই বা সুখ, ক'দিনের প্রাণ ।  
 ওই উঠিয়াছে সংগ্রামগান,  
 অমর মরণ রক্তচরণ  
 নাচিছে সগৌরবে ।  
 সময় হয়েছে নিকট, এখন  
 বাঁধন ছিঁড়িতে হবে ।



### অশেষ

আবার আহ্বান ?

যত কিছু ছিল কাজ      সাক্ষ তো করেছি আজ  
দীর্ঘ দিনমান ।

জাগায়ে মাধবীবন      চলে গেছে বহুক্ষণ  
প্রভুষ নবীন,  
প্রথর পিপাসা হানি      পুষ্পের শিশির টানি  
গেছে মধ্যদিন ।

মাঠের পশ্চিমশেষে      অপরাহ্নে স্নান হেসে  
'      হল অবসান,  
পরপারে উত্তরিতে      পা দিয়েছি তরঙ্গীতে—  
আবার আহ্বান ?

নামে সন্ধ্যা তন্দ্রালসা      সোনার-আঁচল-খসা,  
হাতে দীপশিখা ।  
দিনের কল্লোল-পর      টানি দিল বিল্লিষ্মর  
ঘন যবনিকা ।

ও পারের কালো কূলে      কালি ঘনাইয়া তুলে  
নিশার কালিমা,  
গাঢ় সে তিমিরতলে      চক্ষু কোথা ডুবে চলে  
নাহি পায় সীমা ।

নয়নপল্লব-পরে স্বপ্ন জড়াইয়া ধরে,  
 থেমে যায় গান,  
 ক্লান্তি টানে অঙ্গ মম প্রিয়ার মিনতিসম—  
 এখনো আহ্বান ?

রে মোহিনী, রে নিষ্ঠুরা, ওরে রক্তলোভাতুরা  
 কঠোর স্বামিনী,  
 দিন মোর দিনু তোরে, শেষে নিতে চাস হরে  
 আমার যামিনী ?  
 জগতে সবারই আছে সংসারসীমার কাছে  
 কোনোখানে শেষ,  
 কেন আসে মর্মচ্ছেদি সকল সমাপ্তি ভেদি  
 তোমার আদেশ ।  
 বিশ্বজোড়া অন্ধকার সকলেরই আপনার  
 একেলার স্থান,  
 কোথা হতে তারো মাঝে বিজাতের মতো বাজে  
 তোমার আহ্বান ।

দক্ষিণসমুদ্রপারে তোমার প্রাসাদদ্বারে  
 হে জাগ্রত রানী,  
 বাজে না কি সন্ধ্যাকালে শান্ত সুরে ক্লান্ত তালে  
 বৈরাগ্যের বাণী ।



বলো তবে কী বাজাব,      ফুল দিয়ে কী সাজাব  
 তব দ্বারে আজ,  
 রক্ত দিয়ে কী লিখিব,      প্রাণ দিয়ে কী শিখিব,  
 কী করিব কাজ ।  
 যদি আঁখি পড়ে ঢুলে,      শ্লথ হস্ত যদি ভুলে  
 পূর্ব নিপুণতা,  
 বক্ষে নাহি পাই বল,      চক্ষে যদি আসে জল  
 বেধে যায় কথা,  
 চেয়ো নাকো ঘৃণাভরে,      কোরো নাকো অনাদরে  
 মোরে অপমান ।  
 মনে রেখো হে নিদয়ে,      মেনেছিছু অসময়ে  
 তোমার আহ্বান ।

সেবক আমার মতো  
 তোমার ছয়ারে,  
 তাহারা পেয়েছে ছুটি,      ঘুমায় সকলে জুটি  
 পথের দু ধারে ।  
 শুধু আমি তোরে সেবি      বিদায় পাই নে, দেবী,  
 ডাক' ক্ষণে ক্ষণে ;  
 বেছে নিলে আমারেই,      ছরুহ সৌভাগ্য সেই  
 বহি প্রাণপণে ।

সেই গর্বে জাগি রব                      সারারাত্রি দ্বারে তব  
অনিদ্রনয়ান,  
সেই গর্বে কণ্ঠে মম                      বহি বরমালা্যসম  
তোমার আহ্বান ।

হবে হবে, হবে জয়—      হে দেবী, করি নে ভয়,  
হব আমি জয়ী ।

তোমার আহ্বানবাণী                      সফল করিব, রানী,  
হে মহিমাময়ী !

কাঁপিবে না ক্লান্ত কর,            ভাঙিবে না কণ্ঠস্বর,  
               "টুটিবে না বীণা,  
নবীন প্রভাত লাগি            দীর্ঘ রাত্রি রব জাগি,  
               দীপ নিভিবে না ।

(কর্মভার নবপ্রাতে                      নব সেবকের হাতে  
করি যাব দান,  
মোর শেষ কণ্ঠস্বরে                  যাইব ঘোষণা করে  
তোমার আহ্বান ।

৫

সকলে আমার কাছে যত কিছু চায়  
 সকলেরে আমি তাহা পেরেছি কি দিতে ।  
 আমি কি দিই নি ফাঁকি কত জনে হায়,  
 রেখেছি কত-না ঋণ এই পৃথিবীতে ।  
 আমি তবে কেন বকি সহস্র প্রলাপ,  
 সকলের কাছে চাই ভিক্ষা কুড়াইতে,  
 একতিল না পাইলে দিই অভিশাপ,  
 অমনি কেন রে বসি কাতরে কাঁদিতে ।

হা ঈশ্বর, আমি কিছু চাই নাকো আর,  
 ঘুচাও আমার এই ভিক্ষার বাসনা ।  
 মাথায় বহিয়া লয়ে চির ঋণভার  
 'পাই নি' 'পাই নি' বলে আর কাঁদিব না ।

তোমারেও মাগিব না, অলস কাঁদনি—  
 আপনারে দিলে তুমি আসিবে আপনি ।

আঘাতসংঘাত-মাঝে দাঁড়াইনু আসি ।  
 অঙ্গদ কুণ্ডল কণ্ঠি অলংকাররাশি  
 খুলিয়া ফেলেছি দূরে । দাও হস্তে তুলি  
 নিজ হাতে তোমার অমোঘ শরগুলি,  
 তোমার অক্ষয় তূণ । অস্ত্রে দীক্ষা দেহো  
 রণগুরু । তোমার প্রবল পিতৃশ্নেহ  
 ধনিয়া উঠুক আজি কঠিন আদেশে ।

করো মোরে সম্মানিত নব বীরবেশে,  
 ছরুহ কর্তব্যভারে, ছঃসহ কঠোর  
 বেদনায় । পরাইয়া দাও অঙ্গে মোর  
 ক্ষতচিহ্ন-অলংকার । ধন্য করো দাসে  
 সফল চেষ্টায় আর নিষ্ফল প্রয়াসে ।  
 ভাবের ললিত ক্রোড়ে না রাখি নিলীন  
 কর্মক্ষেত্রে, করি দাও সক্ষম স্বাধীন ।

হে রাজেন্দ্র, তোমা-কাছে নত হতে গেলে  
 যে উর্ধ্বে উঠিতে হয় সেথা বাহু মেলে  
 লহো ডাকি স্মৃৎসর্গম বন্ধুর কঠিন  
 শৈলপথে— অগ্রসর করো প্রতিদিন  
 যে মহান্ পথে তব বরপুত্রগণ  
 গিয়াছেন পদে পদে করিয়া অর্জন  
 মরণ-অধিক দুঃখ ।

### ওগো অন্তর্যামী

অন্তরে যে রহিয়াছে অনির্বাণ আমি  
 দুঃখে তার লব আর দিব পরিচয় ।  
 তারে যেন শ্লান নাহি করে কোনো ভয় ।  
 তারে যেন কোনো লোভি না করে চঞ্চল ।  
 সে যেন জ্ঞানের পথে রহে সমুজ্জ্বল,  
 জীবনের কর্মে যেন করে জ্যোতি দান,  
 মৃত্যুর বিশ্রাম যেন করে মহীয়ান ।



তুমি সর্বাশ্রয়, এ কি শুধু শূন্যকথা ।  
 ভয় শুধু তোমা'পরে বিশ্বাসহীনতা  
 হে রাজন্ !

লোকভয় ? কেন লোকভয়  
 লোকপাল ! চিরদিবসের পরিচয়  
 কোন্ লোক-সাথে । রাজভয় কার তরে  
 হে রাজেন্দ্র ! তুমি যার বিরাজ' অন্তরে  
 লভে সে কারার মাঝে ত্রিভুবনময়  
 তব ক্রোড়, স্বাধীন সে বন্দীশালে । মৃত্যুভয়  
 কী লাগিয়া হে অমৃত ! ছ দিনের প্রাণ  
 লুপ্ত হলে তখনি কি ফুরাইবে দান ।  
 এত প্রাণদৈন্ত, প্রভু, ভাগ্যরেতে তব ?  
 সেই অবিশ্বাসে প্রাণ ঝাঁকড়িয়া রব ?

কোথা লোক, কোথা রাজা, কোথা ভয় কার ।  
 তুমি নিত্য আছ, আমি নিত্য সে তোমার ।

আমারে সৃজন করি যে মহাসম্মান  
 দিয়েছ আপন হস্তে, রহিতে পরান  
 তার অপমান যেন সহ্য নাহি করি ।  
 যে আলোক জ্বালায়েছ দিবসশর্বরী  
 তার উর্ধ্ব শিখা যেন সর্ব উচ্চে রাখি,  
 অনাদর হতে তারে প্রাণ দিয়া ঢাকি ।  
 মোর মনুষ্যত্ব সে যে তোমারি প্রতিমা,  
 আত্মার মহত্বে মম তোমারি মহিমা  
 মহেশ্বর ।

সেথায় যে পদক্ষেপ করে,  
 অবমান বহি আনে অবজ্ঞার ভরে,  
 হোক-না সে মহারাজ বিশ্বমহীতলে  
 তারে যেন দণ্ড দিই দেবদ্রোহী ব'লে  
 সর্বশক্তি লয়ে মোর । যাক আর সব,  
 আপন গৌরবে রাখি তোমার গৌরব ।

তুমি মোরে অপিয়াছ যত অধিকার  
 ক্ষুণ্ণ না করিয়া কভু কণামাত্র তার  
 সম্পূর্ণ সঁপিয়া দিব তোমার চরণে  
 অকুণ্ঠিত রাখি তারে বিপদে মরণে—  
 জীবন সার্থক হবে তবে ।

চিরদিন

জ্ঞান যেন থাকে মুক্ত, শৃঙ্খলবিহীন ;  
 ভক্তি যেন ভয়ে নাহি হয় পদানত  
 পৃথিবীর কারো কাছে ; শুভচেষ্টা যত  
 কোনো বাধা নাহি মানে কোনো শক্তি হতে ;  
 আত্মা যেন দিবারাত্রি অবারিত শ্রোতে  
 সকল উত্তম লয়ে ধায় তোমা পানে  
 সর্ব বন্ধ টুটি । সদা লেখা থাকে প্রাণে—

তুমি যা দিয়েছ মোরে অধিকারভার  
 তাহা কেড়ে নিতে দিলে অমান্য তোমার

আসে লাজে নতশিরে নিত্য নিরবধি  
 অপমান অবিচার সহ করে যদি  
 তবে সেই দীনপ্রাণে তব সত্য হয়  
 দণ্ডে দণ্ডে শ্রান হয় । দুর্বল আত্মায়  
 তোমারে ধরিতে নারে দৃঢ়নিষ্ঠাভরে  
 ক্ষীণপ্রাণ তোমারেও ক্ষুদ্রক্ষীণ করে  
 আপনার মতো— যত আদেশ তোমার  
 পড়ে থাকে, 'আবেশে' দিবস কাটে তার ।  
 পুঞ্জ পুঞ্জ মিথ্যা আসি গ্রাস করে তারে  
 চতুর্দিকে ; মিথ্যা মুখে, মিথ্যা ব্যবহারে,  
 মিথ্যা চিত্তে, মিথ্যা তার মস্তক মাড়ায়ে—  
 না পারে তাড়াতে তারে উঠিয়া দাঁড়ায়ে ।

॥ অপমানে নতশির ভয়ে-ভীত জন  
 ॥ মিথ্যারে ছাড়িয়া দেয় তব সিংহাসন ।

তোমার হাতের দণ্ড প্রত্যেকের করে  
 অর্পণ করেছে নিজে । প্রত্যেকের 'পরে  
 দিয়েছ শাসনভার হে রাজাধিরাজ ।  
 সে গুরু সম্মান তব সে ছরুহ কাজ  
 নমিয়া তোমাতে যেন শিরোধার্য করি  
 সবিনয়ে । তব কার্যে যেন নাহি ডরি  
 কভু করে ।

ক্ষমা যেথা ক্ষীণ দুর্বলতা,  
 হে রুদ্র, নিষ্ঠুর যেন হতে পারি তথা  
 তোমার আদেশে । যেন রসনায় মম  
 সত্যবাক্য ঝলি উঠে খরখড়াসম  
 তোমার ইঙ্গিতে । যেন রাখি তব মান  
 তোমার বিচারাসনে লয়ে নিজ স্থান ।

(অগ্নায় যে করে আর অগ্নায় যে সহে  
 তব ঘৃণা যেন তারে ভৃগুসম দহে)

১৩

আমি ভালোবাসি, দেব, এই বাঙালার  
 দিগন্তপ্রসার ক্ষেত্রে যে শান্তি উদার  
 বিরাজ করিছে নিত্য, মুক্ত নীলাশ্বরে  
 অচ্ছায় আলোক গাহে বৈরাগ্যের স্বরে  
 যে ভৈরবীগান, যে মাধুরী একাকিনী  
 নদীর নির্জন তটে বাজায় কিংকিণী  
 তরল কল্লোলরোলে, যে সরল স্নেহ  
 তরুচ্ছায়া-সাথে মিশি স্নিগ্ধপল্লিগেহ  
 অঞ্চলে আবরি আছে, যে মোর ভবন  
 আকাশে বাতাসে আর আলোকে মগন  
 সন্তোষে কল্যাণে প্রেমে—

করো আশীর্বাদ

যখনি তোমার দূত আনিবে সংবাদ  
 তখনি তোমার কার্ঘ্যে আনন্দিত মনে  
 সব ছাড়ি যেতে পারি ছুঁখে ও মরণে ।

এ নদীর কলধ্বনি যেথায় বাজে না  
 মাতৃকলকণ্ঠসম, যেথায় সাজে না  
 কোমলা উর্বরা ভূমি নবনবোৎসবে  
 নবীনবরনবস্ত্রে যৌবনগৌরবে  
 বসন্তে শরতে বরষায়, রুদ্ধাকাশ  
 দিবসরাত্রিরে যেথা করে না প্রকাশ  
 পূর্ণপ্রস্ফুটিতরূপে, যেথা মাতৃভাষা  
 চিত্ত-অন্তঃপুরে নাহি করে যাওয়া-আসা  
 কল্যাণী হৃদয়লক্ষ্মী, যেথা নিশিদিন  
 কল্পনা ফিরিয়া আসে পরিচয়হীন  
 পরগৃহদ্বার হতে পথের মাঝারে—

সেখানেও যাই যদি মন যেন পারে  
 সহজে টানিয়া নিতে অন্তহীন স্রোতে  
 তব সদানন্দধারা সর্বঠাই হতে ।

১৫

আমার সকল অঙ্গে তোমার পরশ  
লগ্ন হয়ে রহিয়াছে রজনীদিবস  
প্রাণেশ্বর, এই কথা নিত্য মনে আনি  
রাখিব পবিত্র করি মোর তনুখানি ।

মনে তুমি বিরাজিছ হে পরমজ্ঞান,  
এই কথা সদা স্মরি মোর সর্বধ্যান  
সর্বচিন্তা হতে আমি সর্বচেষ্টা করি  
সর্বমিথ্যা রাখি দিব দূরে পরিহরি ।

হৃদয়ে রয়েছে তব অচল আসন,  
এই কথা মনে রেখে করিব শাসন  
সকল কুটিল দ্বেষ, সর্ব অমঙ্গল—  
প্রেমেরে রাখিব করি প্রস্ফুট নির্মল ।

সর্বকর্মে তব শাক্ত এই জেনে সার  
করিব সকল কর্মে তোমা'রে প্রচার ।



অচিন্ত্য এ ব্রহ্মাণ্ডের লোকলোকান্তরে  
 অনন্ত শাসন ঝাঁর চিরকালতরে  
 প্রত্যেক অণুর মাঝে হতেছে প্রকাশ,  
 যুগে যুগে মানবের মহা-ইতিহাস  
 বহিয়া চলেছে সদা ধরণীর 'পর  
 ঝাঁর তর্জনীর ছায়া, সেই মহেশ্বর  
 আমার চৈতন্য-মাঝে প্রত্যেক পলকে  
 করিছেন অধিষ্ঠান ; তাঁহারি আলোকে  
 চক্ষু মোর দৃষ্টিদীপ্ত ; তাঁহারি পরশে  
 অঙ্গ মোর স্পর্শময় প্রাণের হরষে ।

যেথা চলি, যেথা রহি, যেথা বাস করি,  
 প্রত্যেক নিশ্বাসে মোর এই কথা স্মরি  
 আপন মস্তক-পরে সর্বদা সর্বথা  
 বহিব তাঁহার গর্ব, নিজের নত্নতা ।

১৭

[না গণি মনের ক্ষতি ধনের ক্ষতিতে  
 হে বরণ্য, এই বর দেহো মোর চিতে ।  
 যে ঐশ্বর্যে পরিপূর্ণ তোমার ভুবন  
 এই তৃণভূমি হতে সুদূর গগন—  
 যে আলোকে, যে সংগীতে, যে সৌন্দর্যধনে,  
 তার মূল্য নিত্য যেন থাকে মোর মনে  
 স্বাধীন সবল শান্ত সরল সন্তোষ ।

অদৃষ্টেরে কভু যেন নাহি দিই দোষ  
 কোনো ছুঃখ কোনো ক্ষতি-অভাবের তরে  
 বিশ্বাস না জন্মে যেন বিশ্বচরাচরে  
 ক্ষুদ্রখণ্ড হারাইয়া । ধনীর সমাজে  
 স্থান যদি নাহি হয়, জগুতের মাঝে  
 আমার আসন যেন রহে স্বর্ষ ঠাই ।  
 হে দেব, একান্ত চিন্তে এই বর চাই]

তঁারি হস্ত হতে নিয়ো তব দুঃখভার  
 হে দুঃখী, হে দীনহীন । দীনতা তোমার  
 ধরিবে ঐশ্বর্যদীপ্তি যদি নত রহে  
 তঁারি দ্বারে । আর কেহ নহে নহে নহে-  
 তিনি ছাড়া আর কেহ নাই ত্রিসংসারে  
 যার কাছে তব শির লুটাইতে পারে ।

পিতৃরূপে রয়েছেন তিনি, পিতৃ-মাতা  
 নমি তাঁরে । তাঁহারি দক্ষিণ হস্ত রাজে  
 ত্রায়দণ্ড-পরে, নতশিরে লই তুলি  
 তাহার শাসন । তঁারি চরণ-অঙ্গুলি  
 আছে মহত্ত্বের 'পরে, মহত্ত্বের দ্বারে  
 আপনারে নম্র ক'রে পূজা করি তাঁরে ।

তঁারি হস্তস্পর্শরূপে করি, অনুভব  
 মস্তকে তুলিয়া লই দুঃখের গৌরব ।

১৯

মুক্ত করো, মুক্ত করো নিন্দাপ্রশংসার  
 ছশ্ছেছ শৃঙ্খল হতে । সে কঠিন ভার  
 যদি খসে যায় তবে মানুষের মাঝে  
 সহজে ফিরিব আমি সংসারের কাজে—  
 তোমারি আদেশ শুধু জয়ী হবে নাথ ।

তোমার চরণপ্রান্তে করি প্রণিপাত  
 তব দণ্ড পুরস্কার অন্তরে গোপনে  
 লইব নীরবে তুলি ; নিঃশব্দ গমনে  
 •চলে যাব কর্মক্ষেত্র-মাঝখান দিয়া  
 বহিয়া অসংখ্য কাজে একনিষ্ঠ হিয়া,  
 সঁপিয়া অব্যর্থ গতি সহস্র চেষ্টায়  
 এক নিত্য ভক্তিবলে ; নদী যথা ধায়  
 লক্ষ লোকালয়-মাঝে•নানা কর্ম সারি  
 সমুদ্রের পানে লয়ে স্বক্ৰহীন বারি ।

২০

বাসনারে খর্ব করি দাও হে প্রাণেশ ।  
 সে শুধু সংগ্রাম করে লয়ে একলেশ  
 বৃহত্তের সাথে । পণ রাখিয়া নিখিল  
 জিনিয়া নিতে সে চাহে শুধু একতিল ।  
 বাসনার ক্ষুদ্র রাজ্য করি একাকার  
 দাও মোরে সন্তোষের মহা-অধিকার ।

অযাচিত যে সম্পদ অজস্র আকারে  
 উষার আলোক হতে নিশার আঁধারে  
 জলে স্থলে রচিয়াছে অনন্ত বিভব—  
 সেই সর্বলভ্য সুখ অমূল্য দুর্লভ  
 সব চেয়ে । সে মহা-সহজ সুখখানি  
 পূর্ণশতদলসম কে দিবে গো আনি  
 জলস্থল-আকাশের মাঝখান হতে  
 ভাসাইয়া আপনারে সহজের স্রোতে ।

২১

শক্তি মোর অতি অল্প, হে দীনবৎসল,  
 আশা মোর অল্প নহে । তব জলস্থল  
 তব জীবলোক-মাঝে যেথা আমি যাই,  
 যেথায় দাঁড়াই আমি সর্বত্রই চাই  
 আমার আপন স্থান । দানপত্রে তব  
 তোমার নিখিলখানি আমি লিখি লব ।

আপনারে নিশিদিন আপনি বহিয়া  
 প্রতিক্ষণে ক্লান্ত আমি । শ্রান্ত সেই হিয়া  
 তোমার সবার মাঝে করিব স্থাপন  
 তোমার সবারে করি আমার আপন ।  
 নিজ ক্ষুদ্র দুঃখসুখ জলঘটসম  
 চাপিছে দুর্ভর ভার মস্তকেতে মম—  
 তাড়ি তাহা ডুব দিব বিশ্বসিন্ধুনীরে,  
 সহজে বিপুল জল বহি যাবে শিরে ।

২২

মাঝে মাঝে কভু যবে অবসাদ আসি  
 অন্তরের আলোক পলকে ফেলে গ্রাসি,  
 মন্দপদে যবে শ্রান্তি আসে তিল তিল  
 তোমার পূজার বৃত্ত করে সে শিথিল  
 ত্রিয়মাণ — তখনো না যেন করি ভয়,  
 তখনো অটল আশা যেন জেগে রয়  
 তোমা-পানে ।

তোমা-’পরে করিয়া নির্ভর  
 সে শ্রান্তির রাত্রে যেন সকল অন্তর  
 নির্ভয়ে অর্পণ করি পথধূলিতলে  
 নিদ্রারে আহ্বান করি । প্রাণপণ বলে  
 ক্লান্তচিত্তে নাহি তুলি ক্ষীণ কলরব  
 তোমার পূজার অতি দরিদ্র উৎসব ।

(রাত্রি এনে দাও তুমি দিবসের চোখে  
 আবার জাগাতে তারে নবীন আলোকে ।

২৩

তব কাছে এই মোর শেষ নিবেদন—  
 সকল ক্ষীণতা মম করহ ছেদন  
 দৃঢ়বলে অন্তরের অন্তর হইতে  
 প্রভু মোর ।

বীৰ্য দেহো সুখের সহিতে  
 সুখেরে কঠিন করি । বীৰ্য দেহো দুখে  
 বাহে দুঃখে আপনারে শাস্তিস্থিত মুখে  
 পারে উপেক্ষিতে । ভকতিরে বীৰ্য দেহে  
 কৰ্মে যাহে হয় সে সফল, প্রীতিস্নেহ  
 পুণ্যে ওঠে ফুটি । বীৰ্য দেহো ক্ষুদ্র জনে  
 না করিতে হীনজ্ঞান, বলের চরণে  
 না লুটিতে । বীৰ্য দেহো চিত্তেরে একাব  
 প্রত্যাহের তুচ্ছতার উর্ধ্বে দিতে রাখি ।

বীৰ্য দেহো তোমার চরণে পাতি শির  
 অহর্নিশি আপনারে রাখিবারে স্থির ।





হে বিশ্বদেব, মোর কাছে তুমি দেখা দিলে আজ কী বেশে ।  
দেখিছু তোমারে পূর্বগগনে, দেখিছু তোমারে স্বদেশে ।

ললাটি তোমার নীল নভতল  
বিমল আলোকে চির-উজ্জ্বল,  
নীরব-আশিস-সম হিমাচল

তব বরাভয় কর—

সাগর তোমার পরশি চরণ  
পদধূলি সদা করিছে হরণ  
জাহ্নবী তব হার-আভরণ

ছলিছে বক্ষ-’পর ।

হৃদয় খুলিয়া চাহিছু বাহিরে, হেরিছু আজিকে নিমেষে,  
মিলে গেছ, ওগো বিশ্বদেবতা, মোর সনাতন স্বদেশে ।

শুনিছু তোমার স্তবের মন্ত্র অতীতের তপোবনেতে—  
অমর ঋষির হৃদয় ভেদিয়া ধ্বনিতোছে ত্রিভুবনেতে ;

প্রভাতে, হে দেব, তরুণ তপনে  
দেখা দাও যবে উদয়গগনে  
মুখ আপনার ঢাকি আবরণে  
হিরণ-কিরণে-গাঁথা —

তখন ভারতে শুনি চারি ভিতে  
মিলি কাননের বিহঙ্গগীতে  
প্রাচীন নীরব কণ্ঠ হইতে  
উঠে গায়ত্রীগাথা ।

হৃদয় খুলিয়া দাঁড়ানু বাহিরে, শুনিব আজিকে নিমেষে,  
অতীত হইতে উঠিছে, হে দেব, তব গান মোর স্বদেশে ।

নয়ন মুদিয়া শুনিব, জানি না, কোন্ অনাগত বরষে  
তব মঙ্গলশঙ্খ তুলিয়া বাজায় ভারত হরষে ।

ডুবায়ে ধরার রণজংকার,  
ভেদি বণিকের ধনঝংকার,  
মহাকাশতলে উঠে ওঙ্কার

কোনো বাধা নাহি মানি ।

ভারতের শ্বেত হৃদিশতদলে  
দাঁড়ায়ে ভারতী তব পদতলে,  
সংগীততানে গুণে উথলে  
অপূর্ব মহাবাণী ।

নয়ন মুদিয়া ভাবীকাল-পানে চাহিব শুনিব নিমেষে,  
তব মঙ্গলবিজয়শঙ্খ বাজিছে আমার স্বদেশে ।

## আশা

এ জীবনসূর্য যবে অস্তে গেল চলি  
 হে বঙ্গজননী মোর, “আয় বৎস” বলি  
 খুলি দিলে অন্তঃপুরে প্রবেশদুয়ার,  
 ললাটে চুম্বন দিলে ; শিয়রে আমার  
 জ্বালিলে অনন্ত দীপ । ছিল কণ্ঠে মোর  
 একখানি কণ্টকিত কুসুমের ডোর  
 সংগীতের পুরস্কার, তারি ক্ষতজালা  
 হৃদয়ে জ্বলিতেছিল— তুলি সেই মালা  
 প্রত্যেক কণ্টক তার নিজ হস্তে বাছি,  
 ধূলি তার ধুয়ে ফেলি শুভ্র মালাগাছি  
 গলায় পরায়ে দিয়ে লইলে বরিয়া  
 মোরে তব চিরন্তন সন্তান করিয়া ।

অশ্রুতে ভরিয়া উঠি খুলিল নয়ন ;  
 সহসা জাগিয়া দেখি— এ শুধু স্বপন ।

## বঙ্গলক্ষ্মী

তোমার মাঠের মাঝে, তব নদীতীরে,  
 তব আশ্রবনে-ঘেরা সহস্র কুটিরে,  
 দোহনমুখর গোষ্ঠে, ছায়াবটমূলে,  
 গঙ্গার পাষাণঘাটে, দ্বাদশ দেউলে,  
 হে নিত্যকল্যাণী লক্ষ্মী, হে বঙ্গজননী,  
 আপন অঙ্গশ্র কাজ করিছ আপনি  
 অহর্নিশি হাস্যমুখে ।

## এ বিশ্বসমাজে .

তোমার পুত্রের হাত নাহি কোনো কাজে,  
 নাহি জান সে বারতা । তুমি শুধু, মা গো,  
 নিদ্রিত শিয়রে তার নিশিদিন জাগ ।  
 নিত্যকর্মে রত শুধু, অয়ি মাতৃভূমি,  
 প্রত্যুষে পূজার ফুল ফুটাইছ তুমি,  
 মধ্যাহ্নে পল্লবাঞ্চল প্রসারিয়া ধরি  
 রৌদ্র নিবারিছ, যবে আসে বিভাবরী  
 চারি দিক হতে তব যত নদ নদী  
 ঘুম পাড়াবার গান গাহে মিরবধি  
 ঘেরি ক্লান্ত গ্রামগুলি শত বাহু-পাশে ।  
 শরৎ-মধ্যাহ্নে আজি স্বপ্ন অবকাশে

ক্ষণিক বিরাম দিয়া পুণ্য গৃহকাজে  
 হিল্লোলিত হৈমন্তিক মঞ্জরীর মাঝে  
 কপোতকুজনাকুল নিস্তরু প্রহরে  
 বসিয়া রয়েছে মাতা ; প্রফুল্ল অধরে  
 বাক্যহীন প্রসন্নতা ; স্নিগ্ধ আঁখিদ্বয়  
 ধৈর্যশাস্ত দৃষ্টিপাতে চতুর্দিকময়  
 ক্ষমাপূর্ণ আশীর্বাদ করে বিকিরণ ।  
 হেরি সেই স্নেহপ্লুত আত্মবিস্মরণ,  
 মধুর মঙ্গলচ্ছবি মৌন অবিচল,  
 নতশির কবি-চক্ষে ভরি আসে জল ।

## শরৎ

আজি কী তোমার মধুর মুরতি  
হেরিছু শারদ প্রভাতে ।

হে মাত বঙ্গ, শ্যামল অঙ্গ  
ঝলিছে অমল শোভাতে ।

পারে না বহিতে নদী জলধার,  
মাঠে মাঠে ধান ধরে নাকো আর,  
ডাকিছে দোয়েল, গাহিছে কোয়েল  
তোমার কাননসভাতে ।

মাঝখানে তুমি দাঁড়ায়ে, জননী,  
'শরৎকালের প্রভাতে ।

জননী, তোমার শুভ আহ্বান  
গিয়েছে, নিখিল ভুবনে—

নূতন ধাত্রে হবে নবান্ন  
তোমার ভবনে ভবনে—  
অবসর আর নাহিকো তোমার,  
আঁটি আঁটি ধান চলে ভারে ভার  
গ্রামপথে পথে গন্ধ তাহার  
ভরিয়া উঠিছে পবনে ।

জননী, তোমার আহ্বানলিপি  
পাঠায়ে দিয়েছ ভুবনে ।

তুলি মেঘভার আকাশ তোমার  
 করেছ সুনীলবরনী,  
 শিশির ছিটায় করেছ শীতল  
 তোমার শ্যামল ধরণী ।  
 স্থলে জলে আর গগনে গগনে  
 বাঁশি বাজে যেন মধুর লগনে,  
 আসে দলে দলে তব দ্বারতলে  
 দিশি দিশি হতে তরণী ।  
 আকাশ করেছ সুনীল অমল,  
 স্নিগ্ধ শীতল ধরণী ।

”

বহিছে প্রথম শিশিরসমীর  
 ক্লান্ত শরীর জুড়ায়—  
 কুটিরে কুটিরে নব নব আশা  
 নবীন জীবন উড়ায় ।  
 দিকে দিকে, মাতা, কত আয়োজন—  
 হাসিভরা-মুখ তব পরিজন  
 ভাঙারে তব সুখ নব নব  
 মুঠা মুঠা লয় কুড়ায় ।  
 ছুটেছে সমীর আঁচলে তাহার  
 নবীন জীবন উড়ায় ।



আয় আয় আয়, আছ' যে যেথায়  
 আয় তোরা সবে ছুটিয়া—  
 ভাগ্যদ্বার খুলেছে জননী,  
 অন্ন যেতেছে লুটিয়া ।  
 ও পার হইতে আয় খেয়া দিয়ে,  
 ও পাড়া হইতে আয় মায়ে ঝিয়ে,  
 কে কাঁদে ক্ষুধায় জননী শুধায়—  
 আয় তোরা সবে জুটিয়া !  
 ভাগ্যদ্বার খুলেছে জননী,  
 অন্ন যেতেছে লুটিয়া ।

মাতার কণ্ঠে শেফালিমাল্য  
 গন্ধে ভরিছে অবনী ।  
 জলহারা মেঘ আঁচলে খচিত  
 শুভ্র যেন সে নবনী ।  
 পরেছে কিরীট কনককিরণে,  
 মধুর মহিমা হরিতে হিরণে,  
 কুসুমভূষণজড়িত-চরণে  
 দাঁড়ায়েছে মোর জননী ।  
 আলোকে শিশিরে কুসুমে ধায়ে  
 হাসিছে নিখিল অবনী ।

## মাতার আহ্বান

বারেক তোমার ছুয়ারে দাঁড়ায়ে  
 ফুকারিয়া ডাকো, জননী !  
 প্রান্তরে তব সন্ধ্যা নামিছে,  
 আধারে ঘেরিছে ধরণী ।  
 ডাকো “চলে আয়— তোরা কোলে আয়”,  
 ডাকো স করুণ আপন ভাষায় ।  
 সে বাণী হৃদয়ে করুণা জাগায়,  
 বেজে উঠে শিরা ধমনী—  
 হেলায় খেলায় যে আছে যেথায়  
 সচকিয়া উঠে অমনি । “

আমরা প্রভাতে নদী পার হই,  
 ফিরি নু কিসের ছুরাশে ।  
 পরের উজ্জ্বল অঞ্চলে লয়ে  
 ঢালি নু জঠরহতাশে ।  
 খেয়া বঁহে নাকো, চাহি ফিরিবারে—  
 তোমার তরণী পাঠাও এ পারে,  
 আপনার খেত গ্রামের কিনারে  
 পড়িয়া রহিল কোথা সে ।  
 বিজন বিরাট শূন্য সে মাঠ  
 কাঁদিছে উতলা বাতাসে ।

কাঁপিয়া কাঁপিয়া দীপখানি তব

নিবু-নিবু করে পবনে —

জননী, তাহারে করিয়ো রক্ষা

আপন বক্ষোবসনে ।

তুলি ধরো তারে দক্ষিণ করে,

তোমার ললাটে যেন আলো পড়ে—

চিনি দূর হতে, ফিরে আসি ঘরে

না ভুলে আলেয়া-ছলনে ।

এ পারে রুদ্ধ দুয়ার, জননী,

এ পরপুরীর ভবনে ।

তোমার বনের ফুলের গন্ধ

আসিছে সন্ধ্যাসমীরে ।

শেষ গান গাহে তোমার কোকিল

সুদূরকুঞ্জ-তিমিরে ।

পথে কোনো লোক নাহি আর বাকি,

গহন কাননে জ্বলিছে জোনাকি,

আকুল অশ্রু ভরি দুই আঁখি

উচ্ছ্বসি উঠে অধীরে ।

“তোরা যে আমার” ডাকো একবার

দাঁড়ায়ে দুয়ার বাহিরে ।

## ভিক্ষায়াং নৈব নৈব চ

যে তোমারে দূরে রাখি নিত্য ঘৃণা করে

হে মোর স্বদেশ,

মোরা তারি কাছে ফিরি সম্মানের তরে

পরি তারি বেশ ।

বিদেশী জানে না তোরে, অনাদরে তাই

করে অপমান—

মোরা তারি পিছে থাকি যোগ দিতে চাই

আপন সম্মান ।

তোমার যা দৈন্য, মাতঃ, তাই ভূষা মোর

কেন তাহা ভুলি !

পরধনে ধিক্ গর্ব ! করি করজোড়

ভরি ভিক্ষাবলি !

পুণাহস্ত শাক-অন্ন তুলে দাও পাতে,

তাই যেন কাচ ।

মোচাবগ্ন বুনে দাও যদি নিজ হাতে

তাহে লজ্জা যুচে ।

সেই সিংহাসন, যদি অঞ্চলটি পাত ---

করো স্নেহ দান ।

যে তোমারে তুচ্ছ করে সে আমারে, মাতঃ,

কী দিবে সম্মান ।

## স্নেহগ্রাস

অন্ধ মোহবন্ধ তব দাও মুক্ত করি ।  
 রেখো না বসিয়ে দ্বারে জাগ্রত প্রহরী  
 হে জননা, আপনার স্নেহকারাগারে  
 সন্তানেরে চিরজন্ম বন্দী রাখিবারে ।  
 বেষ্টন করিয়া তারে আগ্রহপরশে,  
 জীর্ণ করি দিয়া তারে লালনের রসে,  
 মনুষ্যত্ব স্বাধীনতা করিয়া শোষণ  
 আপন ক্ষুধিত চিত্ত করিবে পোষণ ?  
 দীর্ঘ গর্ভবাস হতে জন্ম দিলে যার  
 স্নেহগর্ভে গ্রাসিয়া কি রাখিবে আবার ?  
 চলিবে সে এ সংসারে তব পিছু পিছু ?  
 সে কি শুধু অংশ তব, আর নহে কিছু ?

নিজের সে, বিশ্বের সে, বিশ্বদেবতার—  
 | সন্তান নহে গো মাতঃ, সম্পত্তি তোমার ।

## বঙ্গমাতা

পুণ্যে পাপে দুঃখে সুখে পতনে উত্থানে  
 মানুষ হইতে দাও তোমার সন্তানে ।  
 হে স্নেহাৰ্ত্ত বঙ্গভূমি, তব গৃহকোড়ে  
 চিরশিশু ক'রে আর রাখিয়ো না ধ'রে ।  
 দেশদেশান্তর-মাঝে যার যেথা স্থান  
 খুঁজিয়া লইতে দাও করিয়া সন্ধান ।  
 পদে পদে ছোটো ছোটো নিষেধের ডোরে  
 বেঁধে বেঁধে রাখিয়ো না ভালো-ছেলে ক'রে ।  
 —প্রাণ দিয়ে, দুঃখ স'য়ে, আপনার হাতে  
 সংগ্রাম করিতে দাও ভালোমন্দ-সাথে ।  
 শীর্ণ শাস্ত্র সাধু তব পুত্রদের ধ'রে  
 দাও সবে গৃহছাড়া লক্ষ্মীছাড়া ক'রে ।  
 সাত কোটি সন্তানেরে, হে মুক্ত জননী,  
 রেখেছ বাঙালি ক'রে, মানুষ করো নি

## দুই উপমা

(যে নদী হারায়ে শ্রোত চলিতে না পারে  
 সহস্র শৈবালদাম বাঁধে আসি তারে ;  
 যে জাতি জীবনহারা অচল অসাড়  
 পদে পদে বাঁধে তারে জীর্ণ লোকাচার ।  
 সর্বজন সর্বক্ষণ চলে যেই পথে  
 তৃণশুল্ক সেথা নাহি জন্মে কোনোমতে  
 যে জাতি চলে না কভু তারি পথ-পরে  
 তন্ত্র-মন্ত্র-সংহিতায় চরণ না সরে ।

## অভিমান

কারে দিব দোষ, বন্ধু, কারে দিব দোষ ।  
 বৃথা কর আশ্বালন, বৃথা কর রোষ ।  
 যারা শুধু মরে কিন্তু নাহি দেয় প্রাণ,  
 কেহ কভু তাহাদের করে নি সম্মান ।  
 যতই কাগজে কাঁদি, যত দিই গালি,  
 কালোমুখে পড়ে তত কলঙ্কের কালি ।  
 যে তোমারে অপমান করে অহর্নিশ  
 তারি কাছে তারি 'পরে তোমার নালিশ  
 নিজের বিচার যদি নাই নিজহাতে,  
 পদাঘাত খেয়ে যদি না পার ফিরাতে —  
 তবে ঘরে নতশিরে চুপ ক'রে থাক্,  
 সাপ্তাহিকে দিগ্বিদিকে বাজাস্ নে ঢাক ।

এক দিকে অসি আর অবজ্ঞা অটল,  
 অন্য দিকে মসী আর শুধু অশ্রুজল ।



## পরবেশ

কে তুমি ফিরিছ পরি প্রভুদের সাজ !  
 ছদ্মবেশে বাড়ে না কি চতুর্গুণ লাজ ।  
 পরবস্ত্র অঙ্গে তব হয়ে অধিষ্ঠান  
 তোমারেই করিছে না নিত্য অপমান ?  
 বলিছে না “ওরে দীন, যত্নে মোরে ধরো,  
 তোমার চর্মের চেয়ে আমি শ্রেষ্ঠতর” ?  
 চিন্তে যদি নাহি থাকে আপন সম্মান  
 পৃষ্ঠে তবে কালো বস্ত্র কলঙ্কনিশান ।  
 ওই তুচ্ছ টুপিখানা চড়ি তব শিরে  
 ধিক্কার দিতেছে না কি তব স্বজাতিরে ।  
 বলিতেছে, “যে মস্তক আছে মোর পায়  
 হীনতা ঘুচেছে তার আমারি কুপায় ।”

সর্বাঙ্গে লাজুনা বহি একি অশ্রংকার ।  
 ওর কাছে জীর্ণ চীর জেনো অলংকার ।

## দুরন্ত আশা

মর্মে যবে মত্ত আশা সর্পসম ফৌসে  
 অদৃষ্টের বন্ধনেতে দাপিয়া বৃথা রোষে  
 তখনো ভালো-মানুষ সেজে বাঁধানো হুঁকা যতনে মেজে  
 মলিন তাম সজোরে ভেঁজে খেলিতে হবে ক'বে ।  
 অন্নপায়ী বঙ্গবাসী স্তন্যপায়ী জীব  
 জন-দশেকে জটলা করি তত্ত্বপোশে বসে ।

ভদ্র মোরা, শাস্ত বড়ো, পোষ-মানা এ প্রাণ  
 বোতাম-আঁটা জামার নীচে শাস্তিতে শয়ান ।  
 দেখা হলেই মিষ্ট অতি, মুখের ভাব শিষ্ট অতি,  
 অলস দেহ ক্লিষ্টগতি, গৃহের প্রতি টান—  
 তৈলঢালা স্নিগ্ধ তনু নিদ্রারসে ভরা,  
 মাথায় ছোটো বহরে বড়ো বাঙালি-সন্তান ।

ইহার চেয়ে হতেম যদি আরব বেহুয়িন,  
 চরণতলে বিশাল মরু দিগন্তে বিলীন ।  
 ছুটেছে ঘোড়া, উড়েছে বালি, জীবনশ্রোত আকাশে ঢালি  
 হৃদয়তলে বহিঁ আলি চলেছি নিশিদিন—  
 বর্ষা হাতে, ভরসা প্রাণে, সদাই নিরুদ্দেশ  
 মরুর ঝড় যেমন বহে সকল বাধাহীন ।

## নববর্ষের গান

হে ভারত, আজি নবীন বর্ষে শুন এ কবির গান ।—

তোমার চরণে নবীন হর্ষে এনেছি পূজার দান ।

এনেছি মোদের দেহের শক্তি,

এনেছি মোদের মনের ভক্তি,

এনেছি মোদের ধর্মের মতি,

এনেছি মোদের প্রাণ ।

এনেছি মোদের শ্রেষ্ঠ অর্থ্য তোমারে করিতে দান ।

কাঞ্চনখালি নাহি আমাদের, অন্ন নাহিকো জুটে ।

যা আছে মোদের এনেছি সাজায়ে নবীন পর্ণপুটে ।

সমারোহে আজ নাই প্রয়োজন—

দীনের এ পূজা দীন আয়োজন,

চিরদারিদ্র্য করিব মোচন

চরণের ধূলা লুটে ।

স্বরত্নলভ তোমার প্রসাদ লইব পর্ণপুটে ।

রাজা তুমি নহ, হে মহাতাপস, তুমিই প্রাণের প্রিয় ।

ভিক্ষাভূষণ ফেলিয়া পরিব তোমারি উত্তরীয় ।

দৈন্তের মাঝে আছে তব ধন,

মৌনের মাঝে রয়েছে গোপন

তোমার মন্ত্র অগ্নিবচন—

তাই আমাদের দিয়ে।

পরের সজ্জা ফেলিয়া পরিব তোমার উত্তরীয়।

দাও আমাদের অভয়মন্ত্র, অশোকমন্ত্র তব।

দাও আমাদের অমৃতমন্ত্র, দাও গো জীবন নব।

যে জীবন ছিল তব তপোবনে,

যে জীবন ছিল তব রাজ্যাসনে,

মুক্ত দীপ্ত সে মহাজীবনে

চিত্ত ভরিয়া লব।

শ্রুত্যাভরণ শঙ্কাহরণ দাও সে মন্ত্র তব।

সে যে আমার জননী রে  
কে এসে যায় ফিরে ফিরে  
আকুল নয়নের নীরে ।

কে বৃথা আশাভরে  
চাহিছে মুখ-পরে ।

সে যে আমার জননী রে ।

কাহার সুধাময়ী বাণী  
মিলায় অনাদর মানি ।

কাহার ভাষা হয়  
ভুলিতে সবে চায় ।

সে যে আমার জননী রে ।

ক্ষণেক স্নেহকোল ছাড়ি  
চিনিতে আর নাহি পারি

আপন সন্তান

করিছে অপমান—

সে যে আমার জননী রে ।

বিরল কুটিরে বিষণ্ণ

কে ব'সে সাজাইয়া অন্ন—

সে স্নেহ-উপহার

রুচে না মুখে আর ।

সে যে আমার জননী রে ।

### জগদীশচন্দ্র বসু

বিজ্ঞানলক্ষ্মীর প্রিয় পশ্চিমমন্দিরে  
 দূর সিদ্ধুতীরে,  
 হে বন্ধু, গিয়েছ তুমি ; জয়মালাখানি  
 সেথা হতে আনি  
 দীনহীনা জননীর লজ্জানত শিরে  
 পরায়েছ ধীরে ।

বিদেশের মহোজ্জল মহিমামণ্ডিত  
 পণ্ডিতসভায়  
 বহু সাধুবাদধ্বনি নানা কণ্ঠরবে  
 শুনেছ গৌরবে ।  
 সে ধ্বনি গন্তীর মন্ড্রে ছায় চারি ধার  
 হয়ে সিদ্ধু পার ।

আজি মাতা পাঠাইছে— অশ্রুসিক্ত বাণী  
 আশীর্বাদখানি  
 জগৎ-সভার কাছে অখ্যাত অজ্ঞাত  
 কবিকণ্ঠে ভ্রাতঃ ।  
 সে বাণী পশিবে শুধু তোমারি অন্তরে  
 ক্ষীণমাতৃস্বরে ।

## ଭାରତଲକ୍ଷ୍ମୀ

ଅସି ଭୁବନମନୋମୋହିନୀ ।  
 ଅସି ନିର୍ମଳସୂର୍ଯ୍ୟକରୋଜ୍ଜ୍ଵଳ ଧରଣୀ  
 ଜନକଜନନି-ଜନନୀ ।  
 ନୀଳସିନ୍ଧୁଜଳଧୌତ ଚରଣତଳ,  
 ଅନିଳବିକମ୍ପିତ ଶ୍ରୀମଳ ଅଞ୍ଜଳ,  
 ଅମ୍ବରଚୁମ୍ବିତଭାଳ ହିମାଚଳ,  
 ଶୁଭ୍ରତୁଷାରକିରୀଟିନୀ ।

ପ୍ରଥମ ପ୍ରଭାତ ଉଦୟ ତବ ଗଗନେ,  
 ପ୍ରଥମ ସାମରବ ତବ ତପୋବନେ,  
 ପ୍ରଥମ ପ୍ରଚାରିତ ତବ ବନଭବନେ  
 ଜ୍ଞାନଧର୍ମ କତ କାବ୍ୟକାହିନୀ ।

ଚିରକଲ୍ୟାଣମୟୀ ତୁମି ଧନ୍ୟ,  
 ଦେଶବିଦେଶେ ବିତରିଛ ଅମ୍ଳ,  
 ଜାହ୍ନବୀ ଯମୁନା ବିଗଳିତ କରୁଣା  
 ପୁଣ୍ୟପୀୟୂଷସ୍ତନ୍ତ୍ରବାହିନୀ ।

## জগদীশচন্দ্র বসু

ভারতের কোন্ বৃদ্ধ ঋষির তরুণ মূর্তি তুমি  
 হে আৰ্য আচার্য জগদীশ । কী অদৃশ্য তপোভূমি  
 বিরচিলে এ পাষাণ নগরীর শুষ্ক ধূলিতলে ।  
 কোথা পেলো সেই শাস্তি এ উন্মত্ত জনকোলাহলে  
 যার তলে মগ্ন হয়ে মুহূর্তে বিশ্বের কেন্দ্রমাঝে  
 দাঁড়াইলে একা তুমি— এক যেথা একাকী বিরাজে  
 সূর্যচন্দ্র-পুষ্পপত্র-পশুপক্ষী-ধূলায় প্রস্তুরে—  
 এক তন্দ্রাহীন প্রাণ নিত্য যেথা নিজ অঙ্ক-পরে  
 ছুলাইছে চরাচর নিঃশব্দ সংগীতে । ‘মোরা যবে  
 মত্ত ছিনু অতীতের অতিদূর নিষ্ফল গৌরবে,  
 পরবস্ত্রে, পরবাক্যে, পরভঙ্গিমার ব্যঙ্গরূপে,  
 কল্লোল করিতেছিলাম ফীতকণ্ঠে ক্ষুদ্র অন্ধরূপে—  
 তুমি ছিলে কোন্ দূরে । আপনার শুদ্ধ ধ্যানাসন  
 কোথায় পাতিয়াছিলে । সংমত গম্ভীর করি মন  
 ছিলে রত তপস্যায় অরূপরশ্মির অন্বেষণে  
 লোকলোকান্তের অন্তরালে— যেথা পূর্বঋষিগণে  
 বহুত্বের সিংহদ্বার উদঘাটিয়া একের সাক্ষাতে  
 দাঁড়াতেন বাক্যহীন স্তম্ভিত বিস্মিত জোড়হাতে ।  
 হে তপস্বী, ডাকো তুমি সামমস্ত্রে জলদগর্জনে,  
 “উত্তীর্ণত ! নিবোধত !” ডাকো শাস্ত্র-অভিমানী জনে



পাণ্ডিত্যের পণ্ডতর্ক হতে । সুবৃহৎ বিশ্বতলে  
 ডাকো মূঢ় দাস্তিকেরে । ডাক দাও তব শিষ্যদলে—  
 একত্রে দাঁড়াক তারা তব হোমছতাগ্নি ঘিরিয়া ।  
 আরবার এ ভারত আপনাতে আশ্রুক ফিরিয়া  
 নিষ্ঠায়, শ্রদ্ধায়, ধ্যানে— বশুক সে অপ্রমত্তচিত্তে  
 মোভহীন দ্বন্দ্বহীন শুদ্ধ শান্ত গুরুর বেদীতে ।

## তপোবন

মনশ্চক্ষে হেরি যবে ভারত প্রাচীন—  
 পুরব পশ্চিম হতে উত্তর দক্ষিণ  
 মহারণ্য দেখা দেয় মহাচ্ছায়া লয়ে ।

রাজা রাজ্য-অভিমান রাখি লোকালয়ে  
 অশ্বরথ দূরে বাঁধি যায় নতশিরে  
 গুরুর মন্ত্রণা লাগি -- শ্রোতস্বিনীতীরে  
 মহর্ষি বসিয়া যোগাসনে, শিষ্যগণ  
 বিরলে তরুর তলে করে অধ্যয়ন  
 প্রশান্ত প্রভাতবায়ে, ঋষিকণ্ঠাদলে  
 পেলব যৌবন বাঁধি পরুষ বন্ধলে  
 আলবালে করিতেছে সলিল সেচন ।

প্রবেশিছে বনদ্বারে ত্যজি সিংহাসন  
 মুকুটবিহীন রাজা, পক্ককেশজালে  
 ত্যাগের মহিমাজ্যোতি লয়ে শাস্তি ভালে ।

## প্রাচীন ভারত

দিকে দিকে দেখা যায় বিদর্ভ বিরাট  
 অযোধ্যা পাঞ্চাল কাঞ্চী উদ্ধতললাট  
 স্পর্ধিছে অশ্বরতল অপাঙ্গ ইঙ্গিতে ;  
 অশ্বের হ্রেষায় আর হস্তীর বৃংহিতে,  
 অসির বঙ্কনা আর ধনুর টংকারে,  
 বীণার সংগীত আর নূপুরঝংকারে,  
 বন্দীর বন্দনারবে, উৎসব-উচ্ছ্বাসে,  
 উন্নাদ শব্দের গর্জে, বিজয়-উল্লাসে,  
 রথের ঘর্ঘরমন্ড্রে, পথের কল্লোলে  
 নিয়ত ধ্বনিত ধ্বাত কর্মকলরোলে ।

ব্রাহ্মণের তপোবন অদূরে তাহার  
 নির্বাক গম্ভীর শাস্ত্র সংযত উদার ।

হেথা মত্ত স্ফীতশূর্ত ক্ষত্রিয়গরিমা,  
 হোথা স্তব্ধ মহামৌন ব্রাহ্মণমহিমা ।

এ দুর্ভাগ্য দেশ হতে হে মঙ্গলময়,  
দূর করে দাও তুমি সর্ব তুচ্ছ ভয়—  
লোকভয়, রাজভয়, মৃত্যুভয় আর ।

দীনপ্রাণ দুর্বলের এ পাষণ্ডভার,  
এই চিরপেষণযন্ত্রণা, ধূলিতলে  
এই নিত্য অবনতি, দণ্ডে পলে পলে  
এই আত্ম-অবমান, অন্তরে বাহিরে  
এই দাসত্বের রজ্জু, ত্রস্ত নতশিরে  
সহস্রের পদপ্রান্ততলে বারম্বার  
মনুষ্যমর্যাদাগর্ব চিরপরিহার—

এ বৃহৎ লজ্জারশি চরণ-আঘাতে  
চূর্ণ করি দূর করো । মঙ্গলপ্রভাতে  
মস্তক তুলিতে দাও অনন্ত আকাশে,  
উদার-আলোক-মাঝে, উন্মুক্ত বাতাসে ।

অন্ধকার গর্তে থাকে অন্ধ সরীসৃপ ;  
 আপনার ললাটের রতনপ্রদীপ  
 নাহি জানে, নাহি জানে সূর্যালোকলেশ ।  
 তেমনি আধারে আছে এই অন্ধদেশ,  
 হে দণ্ডবিধাতা রাজা— যে দীপ্তরতন  
 পরায়ে দিয়েছ ভালে তাহার যতন  
 নাহি জানে, নাহি জানে তোমার আলোক

নিত্য বহে আপনার অস্তিত্বের শোক,  
 জনমের গ্লানি । তব আদর্শ মহান্  
 আপনার পরিমাপে করি খান খান  
 রেখেছে ধূলিতে । প্রভু, হেরিতে তোমায়  
 তুলিতে হয় না মাথা উর্ধ্ব-পানে হায় ।

|| যে এক তরলী লক্ষ লোকের নির্ভর  
 খণ্ড খণ্ড করি তারে তরিবে সাগর ॥

২১

তোমাতে শতধা করি ক্ষুদ্র করি দিয়া  
 মাটিতে লুটায় যারা, তৃপ্ত সুপ্ত হিয়া,  
 সমস্ত ধরণী আজি অবহেলাভরে  
 পা রেখেছে তাহাদের মাথার উপরে ।

মনুষ্যত্ব তুচ্ছ করি যারা সারাবেলা  
 তোমাতে লইয়া শুধু করে পূজাখেলা  
 মুগ্ধ ভাবভোগে, সেই বৃদ্ধ শিশুদল  
 সমস্ত বিশ্বের আজি খেলার পুতুল ।

তোমাতে আপন-সাথে করিয়া সমান  
 যে খর্ব বামনগণ করে অপমান  
 কে তাদের দিবে মান । নিজ মন্ত্রস্বরে  
 তোমাতেই প্রাণ দিতে যারা স্পর্ধা করে  
 কে তাদের দিবে প্রাণ । তোমাতেও যারা  
 ভাগ করে, কে তাদের দিবে ঐক্যধারা ।

তাঁহারা দেখিয়াছেন— বিশ্বচরাচর  
 ঝরিছে আনন্দ হতে আনন্দনির্ঝর ;  
 অগ্নির প্রত্যেক শিখা ভয়ে তব কাঁপে,  
 বায়ুর প্রত্যেক শ্বাস তোমারি প্রতাপে,  
 তোমারি আদেশ বহি মৃত্যু দিবারাত  
 চরাচর মর্মরিয়া করে যাতায়াত ;  
 গিরি উঠিয়াছে উর্ধ্বে তোমারি ইঙ্গিতে,  
 নদী ধায় দিকে দিকে তোমারি সংগীতে ;  
 শূন্যে গুণ্ডে চন্দ্রসূর্য গ্রহতারা যত  
 অনন্ত প্রাণের মাঝে কাঁপিছে নিয়ত ।

তাঁহারা ছিলেন নিত্য এ বিশ্ব-আলয়ে  
 কেবল তোমারি ভয়ে, তোমারি নির্ভয়ে-  
 তোমারি শাসনগর্বে দীপ্ততপ্তমুখে  
 বিশ্বভুবনেশ্বরের চক্ষুর সম্মুখে ।

২৫

আমরা কোথায় আছি, কোথায় স্মদূরে  
 দীপহীন জীর্ণভিত্তি অবসাদপুরে  
 ভগ্নগৃহে ; সহস্রের ক্রকুটির নীচে  
 কুজপৃষ্ঠে নতশিরে ; সহস্রের পিছে  
 চলিয়াছি প্রভুত্বের তর্জনীসংকেতে  
 কটাক্ষে কাঁপিয়া ; লইয়াছি শির পেতে  
 সহস্রশাসনশাস্ত্র ।

### সংকুচিতকায়া

কাঁপিতেছে রচি নিজ কল্পনার ছায়া,  
 সন্ধ্যার আধারে বসি নিরানন্দ বরে  
 দীন-আত্মা মরিতেছে শতলক্ষ ডরে ।  
 পদে পদে ত্রস্তচিত্তে হয়ে লুণ্ঠ্যমান  
 ধূলিতলে তোমারে যে করি অপ্রমাণ ।  
 যেন মোরা পিতৃহারা ধাই পথে পথে  
 অনীশ্বর অরাজক ভয়াত জগতে ।



২৬

একদা এ ভারতের কোন্ বনতলে  
 কে তুমি মহান্-প্রাণ কী আনন্দবলে  
 উচ্চারি উঠিলে উচ্চে, “শোনো বিশ্বজন,  
 শোনো অমৃতের পুত্র যত দেবগণ  
 দিব্যধামবাসী, আমি জেনেছি তাঁহারে  
 মহান্ত পুরুষ যিনি আঁধারের পারে  
 জ্যোতির্ময় ; তাঁরে জেনে, তাঁর পানে চাহি  
 মৃত্যুরে লজ্জিতে পারো, অন্য পথ নাহি ।”

“

আরবার এ ভারতে কে দিবে গো আমি  
 সে মহা আনন্দমন্ত্র, সে উদাত্তবাণী  
 সঞ্জীবনৌ, স্বর্গে মর্তে সেই মৃত্যুঞ্জয়  
 পরম ঘোষণা, সেই একান্ত নির্ভয়  
 অনন্ত অমৃতবার্তা ।

রে মৃত ভারত,

শুধু সেই এক আছে, নাহি অন্য পথ ।

২৭

এ মৃত্যু ছেদিতে হবে, এই ভয়জাল,  
এই পুঞ্জপুঞ্জীভূত জড়ের জঞ্জাল,  
মৃত আবর্জনা । ওরে, জাগিতেই হবে  
এ দীপ্ত প্রভাতকালে, এ জাগ্রত ভবে,  
এই কর্মধামে । দুই নেত্র করি আঁধা  
জ্ঞানে বাধা, কর্মে বাধা, গতিপথে বাধা,  
আচারে বিচারে বাধা, করি দিয়া দূর  
ধরিতে হইবে মুক্ত বিহঙ্গের সুর  
আনন্দে উদার উচ্চ ।

সমস্ত তিমির

ভেদ করি দেখিতে হইবে উর্ধ্বশির  
এক পূর্ণ জ্যোতির্ময়ে অনন্ত ভুবনে ।  
ঘোষণা করিতে হবে অসংশয় মনে—  
“ওগো দিব্যধামবাসী দেবগণ যত,  
মোরা অমৃতের পুত্র তোমাদের মতো ।”

তব চরণের আশা, ওগো মহারাজ,  
 ছাড়ি নাই । এত যে হীনতা, এত লাজ,  
 তবু ছাড়ি নাই আশা । তোমার বিধান  
 কেমনে কী ইন্দ্রজাল করে যে নির্মাণ  
 সংগোপনে সবার নয়ন-অন্তরালে  
 কেহ নাহি জানে । তোমার নির্দিষ্ট কালে  
 যুহুর্তেই অসম্ভব আসে কোথা হতে  
 আপনারে ব্যক্ত করি আপন আলোতে  
 চিরপ্রতীক্ষিত চিরসম্ভবের বেশে ।

আছ তুমি অন্তর্যামী, এ লজ্জিত দেশে —  
 সবার অজ্ঞাতসারে হৃদয়ে হৃদয়ে  
 গৃহে গৃহে রাত্রিদিন জাগরুক হয়ে  
 তোমার নিগূঢ় শক্তি করিতেছে কাজ ।

আমি ছাড়ি নাই আশা, ওগো মহারাজ ।

২৯

পতিত ভারতে তুমি কোন্ জাগরণে  
জাগাইবে, হে মহেশ, কোন্ মহাক্ষণে,  
সে মোর কল্পনাতীত । কী তাহার কাজ,  
কী তাহার শক্তি, দেব, কী তাহার সাজ,  
কোন্ পথ তার পথ, কোন্ মহিমায়  
দাঁড়াবে সে সম্পদের শিখরসীমায়  
তোমার মহিমাজ্যোতি করিতে প্রকাশ  
নবীন প্রভাতে ।

আজি নিশার অশকাশ  
যে আদর্শে রচিয়াছে আলোকের মালা,  
সাজায়েছে আপনার অঙ্ককারখালা,  
ধরিয়াছে ধরিত্রীর মাথার উপর,  
সে আদর্শ প্রভাতের নহে" মহেশ্বর ।

জাগিয়া উঠিবে প্রাচী যে অরুণালোক  
সে কিরণ নাই আজি নিশীথের চোখে ।

শতাব্দীর সূর্য আজ রক্তমেঘমাঝে  
 অস্ত গেল—হিংসার উৎসবে আজি বাজে  
 অস্ত্রে অস্ত্রে মরণের উন্মাদরাগিনী  
 ভয়ংকরী । দয়াহীন সভ্যতানাগিনী  
 তুলেছে কুটিল ফণা চক্ষের নিমিষে  
 গুপ্ত বিষদন্ত তার ভরি তীব্র বিষে !

স্বার্থে স্বার্থে বেধেছে সংঘাত, লোভে লোভে  
 ঘটেছে সংগ্রাম ; প্রলয়মস্থনক্ষোভে  
 ভদ্রবেশী বর্বরতা উঠিয়াছে জাগি  
 পঙ্কশয্যা হতে । লজ্জা শরম তেয়াগি  
 জাতিপ্রেম নাম ধরি প্রচণ্ড অগ্নায়  
 ধর্মেরে ভাসাতে চাহে বলের বন্যায় ।

কবিদল চীৎকারিছে জাগাইয়া ভীতি  
 শ্মশানকুকুরদের কাড়াকাড়ি-গীতি ।

৩১

স্বার্থের সমাপ্তি অপঘাতে । অকস্মাৎ  
পরিপূর্ণ স্বীতিমাঝে দারুণ আঘাত  
বিদীর্ণ বিকীর্ণ করি চূর্ণ করে তারে  
কালঝঙ্কারিত ছুর্যোগ-আধারে ।  
একের স্পর্ধারে কভু নাহি দেয় স্থান  
দীর্ঘকাল নিখিলের বিরোট বিধান ।

স্বার্থ যত পূর্ণ হয়, লোভক্ষুধানল  
তত তার বেড়ে ওঠে ; বিশ্বধরাতল  
আপনার খাওয়া বলি না করি বিচার,  
জ্বরে পুরিতে চায় । বীভৎস আহার  
বীভৎস ক্ষুধারে করে নির্দয় নিলাজ ।  
তখন গজিয়া নামে তব রুদ্র বাজ ।

ছুটিয়াছে জাতিপ্রেম মৃত্যুর সন্ধানে  
বাহি স্বার্থতরী গুপ্ত পর্বতের পানে ।

এই পশ্চিমের কোণে রক্তরাগরেখা  
 নহে কভু সৌম্যরশ্মি অরুণের লেখা  
 তব নব প্রভাতের । এ শুধু দারুণ  
 সন্ধ্যার প্রলয়দীপ্তি । চিতার আগুন  
 পশ্চিমসমুদ্রতটে করিছে উদগার  
 বিস্মুলিঙ্গ, স্বার্থদীপ্ত লুক্ক সভ্যতার  
 মশাল হইতে লয়ে শেষ অগ্নিকণা ।

এই শ্মশানের মাঝে শক্তির সাধনা  
 তব আরাধনা নহে, হে বিশ্বপালক ।

তোমার নিখিলপ্লাবী আনন্দ-আলোক  
 হয়তো লুকায়ে আছে পূর্বসিন্ধুতীরে  
 বহু ধৈর্যে নম্র স্তব্ধ ছুঃখের তিমিরে  
 সর্বরিক্ত অশ্রুসিক্ত দৈত্যের দীক্ষায়  
 দীর্ঘকাল -- ব্রাহ্মমূর্তির প্রতীক্ষায় ।

সে পরম পরিপূর্ণ প্রভাতের লাগি  
হে ভারত, সর্বহুঃখে রহো তুমি জাগি  
সরলনির্মলচিত্ত ; সকল বন্ধনে  
আত্মারে স্বাধীন রাখি, পুষ্প ও চন্দনে  
আপনার অন্তরের মাহাত্ম্যমন্দির  
সজ্জিত সুগন্ধি করি, দুঃখনত্রিশির  
তঁার পদতলে নিত্য রাখিয়া নীরবে ।

তাঁ' হতে বঞ্চিত করে তোমারে এ ভবে  
এমন কেহই নাই, সেই গর্বভীনে  
সর্ব ভয়ে থাকো তুমি নির্ভয় অন্তরে  
তঁার হস্ত হাতে লয়ে অক্ষয় সম্মান ।

ধরায় হোক-না তব যুত নিয় স্থান  
তঁার পাদপীঠ করো সে আসন তব  
যাঁর পাদরেণুকণা এ নিখিল ভব ।



সে উদার প্রত্যাষের প্রথম অরুণ  
 যখনি মেলিবে নেত্র, প্রশান্ত করুণ,  
 শুভ্রশির অভভেদী উদয়শিখরে,  
 হে হৃৎখী জাগ্রত দেশ, তব কণ্ঠস্বরে  
 প্রথম সংগীত তার যেন উঠে বাজি—  
 প্রথম ঘোষণাধ্বনি ।

তুমি থেকে সাজি  
 চন্দনচর্চিত স্নাত নির্মল ব্রাহ্মণ ;  
 উচ্চশির উর্ধ্বে তুলি গাহিয়ো বন্দন—  
 “এসো শান্তি, বিধাতার কন্যা ললাটিকা,  
 নিশাচর পিশাচের রক্তদীপশিখা  
 করিয়া লজ্জিত ।”

তব বিশাল সন্তোষ  
 বিশ্বলোক-ঈশ্বরের রত্নরাজকোষ ।  
 তব ধৈর্য দৈববীর্য ; নম্রতা তোমার  
 সমুচ্চ মুকুটশ্রেষ্ঠ, তাঁরি পুরস্কার ।

৩৫

ওরে মৌনমুক, কেন আছিস নীরবে  
 অন্তর করিয়া রুদ্ধ ? এ মুখর ভাবে  
 তোর কোনো কথা নাই রে আনন্দহীন ?  
 কোনো সত্য পড়ে নাই চোখে ? ওরে দীন,  
 কণ্ঠে নাই কোনো সংগীতের নব তান ?

তোর গৃহপ্রাপ্ত চুস্থি সমুদ্র মহান্  
 গাহিছে অনন্ত গাথা ; পশ্চিমে পুরবে  
 কত নদী নিরবধি ধায় কলরবে  
 তরলসংগীতধারা হয়ে মূর্তিমতী ।

শুধু তুমি দেখ নাই সে প্রত্যক্ষ জ্যোতি  
 যাহা সত্যে যাহা গীতে আনন্দে আশায়  
 ফুটে উঠে নব নব বিচিত্র ভাবায় ।  
 তব সত্য তব গান রুদ্ধ হয়ে রাজে  
 রাত্রিদিন জৌর্নশাস্ত্রে শুদ্ধপত্র-মাবে ।

চিন্তা যেথা ভয়শূন্য, উচ্চ যেথা শির,  
জ্ঞান যেথা মুক্ত, যেথা গৃহের প্রাচীর  
আপন প্রাক্ষণতলে দিবসশর্বরী  
বসুধারে রাখে নাই খণ্ড ক্ষুদ্র করি,  
যেথা বাক্য হৃদয়ের উৎসমুখ হতে  
উচ্ছসিয়া উঠে, যেথা নির্বারিত শ্রোতে  
দেশে দেশে দিশে দিশে কর্মধারা ধায়  
অজস্র সহস্রবিধ চরিতার্থতায় —

যেথা তুচ্ছ আচারের মরুবানুরাশি  
বিচারের শ্রোতঃপথ ফেলে নাই গ্রাসি,  
পৌরুষেরে করে নি শতধা— নিত্য যেথা  
তুমি সর্ব কর্ম-চিন্তা-আনন্দের নেতা —

নিজ হস্তে নির্দয় আঘাত করি, পিতঃ,  
ভারতেরে সেই স্বর্গে করো জাগরিত ।

শক্তিদন্ত স্বার্থলোভ মারীর মতন  
 দেখিতে দেখিতে আজি ঘিরিছে ভুবন  
 দেশ হতে দেশান্তরে স্পর্শবিষ তার  
 শান্তিময় পল্লী যত করে ছারখার ।

যে প্রশান্ত সরলতা জ্ঞানে সমুজ্জল,  
 স্নেহে যাহা রসসিক্ত, সন্তোষে শীতল,  
 ছিল তাহা ভারতের তপোবনতলে ;  
 বস্তুভারহীন মন সর্ব জলে স্থলে  
 পরিব্যাপ্ত করি দিত উদার কল্যাণ ;  
 জড়ে জীব সর্বভূতে অবারিত ধ্যান  
 পশিত আত্মীয়রূপে ।

আজি তাহা নাশি-

চিত্ত যেথা ছিল সেথা এল দ্রব্যরাশি,  
 তৃপ্তি যেথা ছিল সেথা এল আড়ম্বর,  
 শান্তি যেথা ছিল সেথা স্বার্থের সমর ।)

কোরো না, কোরো না লজ্জা, হে ভারতবাসী,  
 শক্তিমদমত্ত ওই বণিক্‌বিলাসী  
 ধনদৃপ্ত পশ্চিমের কটাক্ষসম্মুখে  
 শুভ্র উত্তরীয় পরি শান্ত সৌম্যমুখে  
 সরল জীবনখানি করিতে বহন ।

শুনো না কী বলে তারা ; তব শ্রেষ্ঠ ধন  
 থাকুক হৃদয়ে তব, থাক্ তাহা ঘরে,  
 থাক্ তাহা সুপ্রসন্ন ললাটের 'পরে  
 অদৃশ্য মুকুট তব ।

দেখিতে যা বড়ো,  
 চক্ষে যাহা স্তূপাকার হইয়াছে জড়ো,  
 তারি কাছে অভিভূত হয়ে বারে বারে  
 লুটায়ো না আপনায় । স্বাধীন আত্মারে  
 দারিদ্র্যের সিংহাসনে করো প্রতিষ্ঠিত  
 রিক্ততার অবকাশে পূর্ণ করি চিত ।

৩৯

হে ভারত, নৃপতিরে শিখায়েছ তুমি  
 ত্যজিতে মুকুট দণ্ড সিংহাসন ভূমি—  
 ধরিতে দরিদ্রবেশ । শিখায়েছ বারে  
 ধর্মযুদ্ধে পদে পদে ক্ষমিতে অরিরে,  
 ভুলি জয়পরাজয় শর সংহরিতে ।  
 কর্মীরে শিখালে তুমি যোগযুক্তচিত্তে  
 সর্বফলস্পৃহা ত্রক্ষে দিতে উপহার ।  
 গৃহীরে শিখালে গৃহ করিতে বিস্তার  
 প্রতিবেশী আত্মবন্ধু অতিথি অনাথে ।

ভোগেরে বেঁধেছ তুমি সংযমের সাথে ;  
 নির্মল বৈরাগ্যে দৈন্য করেছ উজ্জল ;  
 সম্পদেরে পুণ্যকর্মে করেছ মঙ্গল ;  
 শিখায়েছ স্বার্থ ত্যজি সর্ব দুঃখে সুখে  
 সংসার রাখিতে নিত্য ত্রক্ষের সম্মুখে ।

৪০

হে ভারত, তব শিক্ষা দিয়েছে যে ধন,  
বাহিরে তাহার অতি স্বল্প আয়োজন,  
দেখিতে দীনের মতো, অন্তরে বিস্তার  
তাহার ঐশ্বর্য যত ।

আজি সভ্যতার  
অন্তহীন আড়ম্বরে, উচ্চ আফালনে,  
দরিদ্ররুধিরপুষ্ট বিলাসলালনে,  
অগণ্য চাক্রের গর্জে মুখরঘর্ষর  
লৌহবাহু দানবের ভীষণ বর্বর  
রুদ্র-রক্ত-অগ্নিদীপ্ত পরম স্পর্ধায়  
নিঃসংকোচে শান্তচিত্তে কে ধরিবে, হায়,  
নীরবগৌরব সেই সৌম্য দীনবেশ  
সুবিরল— নাতি যাতে চিন্তাচেষ্টালেশ ।

কে রাখিবে ভরি নিজ অন্তর-আগার  
আত্মার সম্পদ্রাশি মঙ্গল-উদার ।

৪১

অন্তরের সে সম্পদ ফেলেছি হারায়ে ।  
 তাই মোরা লজ্জানত ; তাই সর্ব গায়ে  
 ক্ষুধার্ত দুর্ভর দৈন্য করিছে দংশন ;  
 তাই আজি ব্রাহ্মণের বিরল বসন  
 সম্মান বহে না আর ; নাহি ধ্যানবল,  
 শুধু জপমাত্র আছে ; শুচিত্ব কেবল  
 চিত্তহীন অর্থহীন অভ্যস্ত আচার ;  
 সন্তোষের অন্তরেতে বীৰ্য নাহি আর,  
 কেবল জড়ত্বপুঞ্জ — ধর্ম প্রাণহীন  
 ভারসম চেপে আছে আড়ষ্ট কঠিন ।

তাই আজি দলে দলে চাই ছুটিবারে  
 পশ্চিমের পরিত্যক্ত বস্ত্র লুটিবারে  
 লুকাতে প্রাচীন দৈন্য

(বুখা চেষ্টা ভাই,  
 সব সজ্জা লজ্জা-ভরা চিত্ত যেথা নাই ।



## হিমালয়

হে নিস্তরু গিরিরাজ, অভভেদী তোমার সংগীত  
 তরঙ্গিয়া চলিয়াছে অনুদাত্ত উদাত্ত স্বরিত  
 প্রভাতের দ্বার হতে সন্ধ্যার পশ্চিমনীড়-পানে  
 দুর্গম দুর্কহ পথে কী জানি কী বাণীর সন্ধান।  
 হৃৎসাধ্য উচ্ছ্বাস তব শেষপ্রান্তে উঠি আপনার  
 সহসা মুহূর্তে যেন হারিয়ে ফেলেছে কণ তার,  
 ভুলিয়া গিয়াছে সব সুর — সামগীত শব্দহার।  
 নিয়ত চাহিয়া শূন্যে বরষিছে নির্ঝরিনীধারা।  
 হে গিরি, যৌবন তব যে দুর্দম অগ্নিতাপবেগে  
 আপনারে উৎসারিয়া মরিতে চাহিয়াছিল মেঘে—  
 সে তাপ হারিয়ে গেছে, সে প্রচণ্ড গতি অবসান,  
 নিরুদ্দেশ চেষ্টা তব হয়ে গেছে প্রাচীন পাষণ।  
 পেয়েছ আপন সীমা, তাই আজি মৌনশান্তিহিয়া  
 সীমাবিহীনের মাঝে আপনারে দিয়েছ সঁপিয়া।

## ক্ষান্তি

ক্ষান্ত করিয়াছ তুমি আপনারে, তাই হেরো, আজি  
 তোমার সর্বাঙ্গ ঘেরি পুলকিছে শ্যাম শম্পরাজি  
 প্রস্ফুটিত পুষ্পজালে ; বনস্পতি শতবরষার  
 আনন্দবর্ষণকাব্য লিখিতেছে পত্রপুঞ্জে তার  
 বন্ধলে শৈবালে জটে ; সুহৃগম তোমার শিখর  
 নির্ভয় বিহঙ্গ যত গীতোল্লাসে করিছে মুখর ।  
 আসি নরনারীদল তোমার বিপুল বক্ষপটে  
 নিঃশঙ্ক কুটিরগুলি বাঁধিয়াছে নির্ঝরিণীতটে ।  
 যেদিন উঠিয়াছিলে অগ্নিতেজে স্পর্ধিতে আকাশ,  
 কম্পমান ভূমণ্ডলে, চন্দ্রসূর্য করিবারে গ্রাস—  
 সেদিন, হে গিরি, তব এক সঙ্গী আছিল প্রলয় ;  
 যখনি থেমেছ তুমি, বলিয়াছ, “আর নয় নয়”,  
 চারি দিক হতে এল তোমা-পরে আনন্দনিশ্বাস—  
 তোমার সমাপ্তি ঘেরি বিস্তারিল বিশ্বের বিশ্বাস ।

## শিলালিপি

আজি হেরিতেছি আমি হে হিমাদ্রি, গভীর নির্জনে  
 পাঠকের মতো তুমি বসে আছ অচল আসনে,  
 সনাতন পুঁথিখানি তুলিয়া লয়েছ অঙ্ক-'পরে,  
 পাষাণের পত্রগুলি খুলিয়া গিয়াছে থরে থরে—  
 পড়িতেছ একমনে । ভাঙিল গড়িল কত দেশ,  
 গেল এল কত যুগ— পড়া তব হইল না শেষ ।  
 আলোকের দৃষ্টিপথে এই-যে সহস্র খোলা পাতা  
 ইহাতে কি লেখা আছে ভবভবানীর প্রেমগাথা ।  
 নিরাসক্ত নিরকিজঙ্ঘ ধ্যানাতীত মহাযোগীশ্বর  
 কেমনে দিলেন ধরা সুকোমল দুর্বল সুন্দর  
 বাহর করুণ আকর্ষণে । কিছু নাহি চাহি যঁার  
 তিনি কেন চাহিলেন, ভালোবাসিলেন নির্বিকার,  
 পরিলেন পরিণয়পাশ । এই-যে প্রেমের লীলা  
 ইহার কাহিনী বহে, হে শৈল, তোমার যত শিলা ?

## হরগৌরী

হে হিমাঙ্গি, দেবতাত্মা, শৈলে শৈলে আজিও তোমার  
 অভেদাঙ্গ হরগৌরী আপনারে যেন বারম্বার  
 শৃঙ্গে শৃঙ্গে বিস্তারিয়া ধরিছেন বিচিত্র মুরতি ।  
 ওই হেরি ধ্যানাসনে নিত্যকাল স্তব্ধ পশুপতি,  
 দুর্গম দুঃসহ মোন— জটাপুঞ্জ তুষারসংঘাত  
 নিঃশব্দে গ্রহণ করে উদয়াস্ত-রবিরশ্মি পাত  
 পূজাস্বর্ণপদ্মদল । কঠিন প্রস্তরকলেবর  
 মহান্ দরিদ্র, রিক্ত, আভরণহীন দিগম্বর,  
 হেরো তাঁরে অঙ্গে অঙ্গে একি লীলা করেছে বেষ্টন—  
 মৌনেরে ঘিরেছে গান, স্তব্ধেরে করেছে আলিঙ্গন  
 সফেনচঞ্চল নৃত্য, রিক্ত কঠিনের ওই চুমে  
 কোমল শ্যামলশোভা নিত্যনব পল্লবে কুসুম  
 ছায়ারৌদ্রে মেঘের খেলায় । গিরিশৈরে নিত্য ঘিরি  
 পার্বতী মাধুরীচ্ছবি তব শৈলগৃহে হিমগিরি ।

## তপোমূর্তি

তুমি আছ হিমাচল ভারতের অনন্তসঞ্চিত  
 তপস্যার মতো । স্তব্ধ ভূমানন্দ যেন রোমাঞ্চিত  
 নিবিড় নিগূঢ়ভাবে পথশূন্য তোমার নির্জনে,  
 নিষ্কলঙ্ক নীহারের অভ্রভেদী আত্মবিসর্জনে ।  
 তোমার সহস্র শৃঙ্গ বাহু তুলি কহিছে নীরবে  
 ঋষির আশ্বাসবাণী, “শুন শুন বিশ্বজন সবে,  
 জেনেছি, জেনেছি আমি ।” যে ওঙ্কার আনন্দ-আলোতে  
 উঠেছিল ভারতের বিরাট গভীর বক্ষ হতে  
 আদি-অন্ত-বিহীন অখণ্ড অমৃতলোক-পানে  
 সে আজি উঠিছে বাজি, গিরি, তব বিপুল পাষাণে ।  
 একদিন এ ভারতে বনে বনে হোমাগ্নি-আত্মতি  
 ভাষাহারা মহাবার্তা প্রকাশিতে করেছে আকৃতি,  
 সেই বহিবাণী আজি অটল প্রস্তরশিখারূপে  
 শৃঙ্গে শৃঙ্গে কোন্ মন্ত্র উচ্ছাসিছে মেঘধ্বমস্বপে ।

## সঞ্চিতবাণী

ভারতসমুদ্র তার বাষ্পোচ্ছ্বাস নিশ্বসে গগনে  
 আলোক করিয়া পান, উদাস দক্ষিণসমীরণে,  
 অনির্বচনীয় যেন আনন্দের অব্যক্ত আবেগ  
 উর্ধ্ববাহু হিমাচল, তুমি সেই উদ্‌বাহিত মেঘ  
 শিখরে শিখরে তব ছায়াচ্ছন্ন গুহায় গুহায়  
 রাখিছ নিরুদ্ধ করি— পুনর্বার উন্মুক্ত ধারায়  
 নূতন আনন্দস্রোতে নব প্রাণে ফিরাইয়া দিতে  
 অসীমজিজ্ঞাসারত সেই মহাসমুদ্রের চিতে ।  
 সেইমত ভারতের হৃদয়সমুদ্র এতকাল  
 করিয়াছে উচ্চারণ উর্ধ্ব-পানে যে বাণী বিশাল,  
 অনন্তের জ্যোতিষ্পর্শে অনন্তেরে যা দিয়েছে ফিরে,  
 রেখেছ সঞ্চয় করি, হে হিমাদ্রি, তুমি স্তব্ধশিখরে ।  
 তব মৌন শৃঙ্গমাঝে তাই আমি ফিরি অন্বেষণে  
 ভারতের পরিচয় শান্ত শিব অদ্বৈতের সনে ।

## যাত্রাসংগীত

(আগে চল আগে চল ভাই ।  
 পড়ে থাকা পিছে মরে থাকা মিছে,  
 বেঁচে ম'রে কিবা ফল ভাই)  
 আগে চল আগে চল ভাই ।  
 প্রতি নিমেষেই যেতেছে সময়,  
 দিনক্ষণ চেয়ে থাকা কিছু নয়,  
 “সময় সময়” ক'রে পাঁজিপুঁথি ধ'রে  
 সময় কোথা পাবি বল ভাই ।  
 আগে চল আগে চল ভাই ।

অতীতের স্মৃতি, তারি স্বপ্ন নিতি,  
 গভীর ঘুমের আয়োজন—  
 স্বপনের সুখ, সুখের ছলনা,  
 আর নাহি তাহে প্রয়োজন ।  
 দুঃখ আছে কত, বিঘ্ন শত শত,  
 জীবনের পথে সংগ্রাম সতত,  
 চলিতে হইবে পুরুষের মতো .  
 হৃদয়ে বহিয়া বল ভাই ।  
 আগে চল আগে চল ভাই ।

দেখো যাত্রী যায়, জয়গান গায়,  
রাজপথে গলাগলি ।

এ আনন্দস্বরে কে রয়েছে ঘরে,  
কোণে করে দলাদলি ।

বিপুল এ ধরা, চঞ্চল সময়,  
মহাবেগবান মানবহৃদয়,  
যারা বসে আছে তারা বড়ো নয়,  
ছাড়ো ছাড়ো মিছে জল ভাই ।  
আগে চল আগে চল ভাই ।

পিছিয়ে যে আছে তারে ডেকে নাও,  
নিয়ে যাও সাথে করে ।

কেহ নাহি আসে একা চলে যাও  
মহত্বের পথ ধ'রে ।

পিছু হতে ডাকে মায়ার কাঁদন,  
ছিঁড়ে চলে যাও মোহের বাঁধন,  
সাধিতে হইবে প্রাণের সাধন—  
মিছে নয়নের জল ভাই ।

. . আগে চল আগে চল ভাই—

চিরদিন আছি ভিখারীর মতো  
জগতের পথপাশে—



যারা চলে যায় কৃপাচক্ষে চায়,  
পদধূলা উড়ে আসে ।  
ধূলিশয্যা ছাড়ি উঠ উঠ সবে,  
মানবের সাথে যোগ দিতে হবে,  
তা যদি না পারো চেয়ে দেখো তবে  
ওই আছে রসাতল ভাই ।  
আগে চল আগে চল ভাই ।

## প্রার্থনা

এ কী অন্ধকার এ ভারতভূমি,  
বৃষ্টি পিতা তারে ছেড়ে গেছ তুমি,  
প্রতি পলে পলে ডুবে রসাতলে  
কে তারে উদ্ধার করিবে ।

চারি দিকে চাই, নাহি হেরি গতি—  
নাহি যে আশ্রয়, অসহায় অতি—  
আজি এ আঁধারে বিপদপাথারে  
কাহার চরণ ধরিবে ।

তুমি চাও পিতা, যুচাও এ দুখ, ,  
অভাগা দেশেরে হোয়ো না বিমুখ,  
নহিলে আঁধারে বিপদপাথারে  
কাহার চরণ ধরিবে ।

দেখো চেয়ে, তব সহস্র সন্তান  
লাজে নতশির, ভয়ে কম্পমান,  
কাঁদিছে সহিছে শত অপমান,  
লাজ মান আর থাকে না ।

হীনতা লয়েছে মাথায় তুলিয়া,  
তোমারেও তাই গিয়াছে ভুলিয়া,  
অভয়মন্ত্রে মুক্ত হৃদয়ে

তোমারেও তারা ডাকে না ।

তুমি চাও পিতা, তুমি চাও চাও,  
এ হীনতা পাপ এ ছঃখ ঘুচাও,  
ললাটের কলঙ্ক মুছাও মুছাও,

নহিলে এ দেশ থাকে না ।

তুমি যবে ছিলে এ পুণ্য ভবনে  
কী সৌরভসুধা বহিত পবনে,  
কী আনন্দগান উঠিত গগনে,

কী প্রতিভাজ্যোতি ঝলিত ।

ভারত-অরণ্যে ঋষিদের গান  
অনন্তসদনে করিত প্রয়াণ,  
তোমারে চাহিয়া পুণ্যপথ দিয়া

সকলে মিলিয়া চলিত ।

আজি কী হয়েছে— চাও, পিতা, চাও,  
এ তাপ এ পাপ এ ছঃখ ঘুচাও,  
মোরা তো রয়েছি তোমারি সন্তান  
যদিও হয়েছি পতিত ।

## গান

আমরা মিলেছি আজ মায়ের ডাকে ।

ঘরের হয়ে পরের মতন

ভাই ছেড়ে ভাই ক'দিন থাকে ।

প্রাণের মাঝে থেকে থেকে

‘আয়’ বলে ওই ডেকেছে কে ।

গভীর স্বরে উদাস করে,

আর কে কারে ধরে রাখে ।

যেথায় থাকি যে যেখানে

বাঁধন আছে প্রাণে প্রাণে, ’

প্রাণের টানে টেনে আনে,

প্রাণের বেদন জানে না কে ।

মান অপমান গেছে যুচে,

নয়নের জল গেছে মুছে.

নবীন আশে হৃদয় ভাসে

ভাইয়ের পাশে ভাইকে দেখে ।

কত দিনের সাধন-ফলে

মিলেছি আজ দলে দলে,

ঘরের ছেলে সবাই মিলে

দেখা দিয়ে আয় রে মাকে ।

## নববর্ষের দীক্ষা

নব বৎসরে করিলাম পণ লব স্বদেশের দীক্ষা—  
 তব আশ্রমে, তোমার চরণে হে ভারত, লব শিক্ষা  
 পরের ছন্দ, পরের বসন,  
 তেয়াগিব আজ পরের অশন,  
 যদি হই দীন না হইব হীন, ছাড়িব পরের ভিক্ষা ।  
 নব বৎসরে করিলাম পণ লব স্বদেশের দীক্ষা ।

না থাকে প্রাসাদ, আছে তো কুটির কল্যাণে সুপবিত্র ।  
 না থাকে নগর, আছে তব বন ফলে ফুলে সুবিচিত্র ।  
 তোমা হতে যত দূরে গেছি সরে  
 তোমাতে দেখেছি তত ছোটো করে,  
 কাছে দেখি আজ, হে হৃদয়রাজ, তুমি পুরাতন মিত্র ।  
 হে তাপস, তব পর্ণকুটির কল্যাণে সুপবিত্র ।

পরের বাক্যে তব পর হয়ে দিয়েছি পেয়েছি লজ্জা ।  
 তোমাতে ভুলিতে ফিরায়েছি মুখ, পরেছি পরের সজ্জা ।  
 কিছু নাহি গনি কিছু নাহি কহি  
 জপিছে মন্ত্র অন্তরে রহি,  
 তব সনাতন ধ্যানের আসন মোদের অস্থিমজ্জা ।  
 পরের বুলিতে তোমাতে ভুলিতে দিয়েছি পেয়েছি লজ্জা ।

সে-সকল লাজ তেয়াগিব আজ, লইব তোমার দীক্ষা ।

তব পদতলে বসিয়া বিরলে শিখিব তোমার শিক্ষা ।

তোমার ধর্ম, তোমার কর্ম,

তব মন্ত্রের গভীর মঃ

লইব তুলিয়া সকল ভুলিয়া ছাড়িয়া পরের ভিক্ষা ।

তব গৌরবে গরব মানিব, লইব তোমার দীক্ষা ।

—









